

金

氏

族

譜

卷首上

字號





925080

精神团结

五至題



五至題

五至題

裕

後

鴻

昌

鑄

人

題



金... 卷一

民國二十四年續修

...

以
親
九
族

磁
三
題



收族敬宗

王廣題



枝繁葉茂

丹桂題



主敬存誠

魯齋題



忠

孝

仁

愛

信

義

和

平



一

致

團

結

互

助

精

神

佐周題



親愛五男

之聲 子台 堂



競爭圖存

沛霖書



潯陽金氏續修族譜序

予自束髮受讀以來每聞各姓提議修譜蓋譜所以別姓氏攷源流凡欲收族敬宗慎終追遠者無不亟于譜之修纂也古有云三世不修譜謂之大不孝然譜也固宜修而譜學不亦固宜講歟

奈何予徧詢諸名師良友與夫各姓經
修譜牒諸達士但聞吾譜三十年一修
吾譜二十年一修或遵歐式或仿蘇例
從未有以譜學告譜法示俾予相與觀
摩討論修輯之道也慨自宗法廢民族
興而家庭觀念卽可以不必有乎予思

家族有以團結民族卽以鞏固大學云
齊家治國平天下誠以治國平天下者
必先齊其家耳然則宗法其可廢乎宗
法不可廢譜學卽不可以不講矣予族
自西漢日磾公受姓南宋彥超公遷潛
相沿雖久譜載昭然惟自光緒甲辰年

續修告竣予時年甫三齡不知譜之益
不知譜之重不知譜之例又何知譜之
法與學耶現經卅餘載予已虛度光陰
卅餘年甲戌冬族諸父老以予族生娶
日繁死葬亦衆科第耆壽忠孝節烈者
亦益廣譜不及時纂修恐將至代遠年

湮不免紀憶失實親疎莫明致起同祖
路人之嘆也爰召集議修決于乙亥春
駐館公舉予負編輯之任予以識淺年
青難担此重大之責而且不知譜學是
以力辭諸父老皆以大義責之因不獲
已亦祇勉從佐周毓麟菁華天元緘三

谷園銓懷朗齋等諸明哲後羣策進行
於是殫精竭慮日夜焦思披閱舊牒彙
編新稿取歐蘇二式列橫直之圖舉凡
生娶卒葬者紀載之忠孝節義者表揚
之刪煩補簡傳信闕疑從一本而推及
萬億總萬億而歸至一本上溯之可知

其本源下推之可知其支派今幸裝訂
成書朞月告竣雖不敢告無罪于先靈
但祇求無愧於我心至於宗法譜學之
合與不合予自不知惟有俟於將來繼
起再續者修輯釐訂而已矣是爲序

皆維

竹堂公裔玉堂撰書



瀋陽金氏續修族譜序

二十世紀列強倡瓜分共管之說中華
民族岌岌乎危若朝露而中山主義民
族一篇殆吾中華民族之針砭也蓋民
國肇興五族共和四百兆同胞無日不
兢七焉圖生存謀自衛以求世界經濟

平等政治平等勢力平等此民族之說
所以使吾人精神團結而免除四萬萬
人如一盤散沙之誚也我族自日磾公
受姓以後九傳而至珍公卜居南陽子
孫同居一百五十餘年世稱義門金氏
所謂義門者其親愛互助爲何如其精

神團結爲何如設使後世子孫不忘斯
旨雖歲月遞遷流離轉徙當不至如今
日之有畛域之分支派之別同祖若路
人者比匕也歲甲戌族人提議續修族
譜一洗前代陋習採用擴大意旨以啓
後代鴻圖舉凡金氏子之遠者近者親

者疏者罔不備載先事形式團結再求
精神團結是譜雖有堂軒軌隆福各股
之分而其精神則一致也然而時間迫
切採訪難周有未盡羅致者一俟後來
加入則昔日義門之盛不又可見於今
歟吁家族者國族之分國族者家族之

積使各氏族悉尙斯旨互相團結振作
精神爲應付目前環境之需要而人人
生產化軍隊化藝術化而且能親愛能
互助以求民族主義之實現則吾家族
非特首冠瀋陽世稱第一卽吾民族亦
永遠雄視亞洲生存大陸且拭目俟之

竹軒公裔佐周敬誤



家禮圖

家禮圖


家禮圖

家禮圖

家禮圖



長子冠圖



眾子冠圖




圖 婿 醮




圖 迎 親





圖 女 醮





圖 婦 禮



本宗五

適孫父卒為祖若曾
高祖承重者斬衰三
年為祖母為曾高祖
母承重者齊衰三年
祖在杖期

高祖父 齊衰三月	曾祖父 齊衰五月	祖父母 齊衰不杖期	父母 斬衰三年	妻 三年	子 三年	孫 三年	曾孫 三年	元孫 三年
總麻 小功	從祖伯 從祖叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔
總麻 小功	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔
總麻 小功	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔
總麻 小功	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔
總麻 小功	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔
總麻 小功	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔
總麻 小功	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔
總麻 小功	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔	從祖伯叔 從祖伯叔 從祖伯叔

凡男為人後者為其
私親皆降一等惟本
生父母降服不杖期
其本生父母亦降服
不杖期



服 之 圖

高祖母 齊衰 三月

曾祖母 齊衰 五月
 祖母 齊衰 不杖期

母 齊衰 杖期
 妻 齊衰 杖期

婦 長婦期 嫡婦小功
 孫婦 庶婦大功

曾孫婦 元孫婦
 無服 無服

在總麻 小功
 曾祖姑 祖姑 嫁無 總麻

不杖期 姑 嫁大功
 不杖期 姊妹 嫁大功

不杖期 姪女 嫁小功
 孫女大功 曾姪孫女 嫁

總麻 從祖姑 嫁無

小功 從姑 嫁總麻
 大功 從姊妹 嫁總麻

小功 從姪女 嫁無
 總麻 從姪孫女 嫁無

再從姑 再從姊妹 再從姪女
 嫁無 嫁總麻 嫁無


姑姊妹女子在室服 並與男子同嫁反者 亦同適人無夫與子 者為其兄弟姊妹及 兄弟之子不杖期

總麻 三從姊妹 嫁無

凡女適人者為其私 親皆降一等為祖曾 高祖不降為兄弟之 為父後者不降為兄 弟姪之妻不降



出嫁女為本宗降服之圖




妻為夫黨服圖

夫為祖會高
祖及祖母會
高祖母承重
者並從夫服

總麻
夫高祖母
總麻
夫高祖母

夫為人後其
妻為本生舅
姑服大功



妻為家長族服之圖

家長父母
期年

家長斬衰三年

正室期年

衆子
期年

家長長子
期年

為其子
期年



外族母黨妻黨服圖



金氏族譜

卷意

家禮圖

六

敦厚堂



三父入母

繼

同居繼父
父子皆無
大功以上
親乃義服
不杖期
不同居
先隨母嫁
繼父同居
後異或雖
同居而繼

嫡

妾生子
父曰嫡母正
服齊衰三
年母與嫡
子亦報服
○為眾子
則服不杖
期○庶子
為嫡母之
父母兄弟
姊妹小功
母死不服

庶

謂父妾之
有子者眾
子為之義
服緦麻○
士之庶子
為其母齊
衰三年為
後則降
○庶子為
父後者為
其母緦麻
而為其母
之父母兄
弟姊妹則
無服○庶
子之子為
父之母不

慈

謂庶子無
母而父命
他妾之無
子者慈已
也同親母
義服齊衰
三年不命
則小功
謂小乳
哺曰乳
母義服

出

謂被父離
降服杖期母
為子降服不
杖期○子為
父後者則不
服○女適人
為出母乃降
服大功母為
女亦報服

乳



服制之圖

父

父有子已
有大功已
上親服齊
衰三月
則無服
則異父同
母之兄弟
姊妹各服
小功五月

母

繼

謂父所娶之
母義服齊衰
三年○繼母
為長子報服
齊衰三年○
為眾子乃服
不杖期○繼
母出則無服
○若父卒繼
母嫁而已後
之乃服杖期
繼母報服不
杖期○母出
為繼母之兄
弟姊妹小功

母

杖期而為
祖後者則
無服○庶
母為其子
為君之眾
子齊衰不
杖期○為
君之長子
齊衰三年
○妾為君
斬衰二年
○為女君
為其父母
不杖期○
庶母慈已
者謂曰小
乳養已者
義服小功

母

養

母

謂養同
宗及三
歲以下
遺棄之
子者與
親母同
正服齊
衰三年

母 嫁

謂父亡母再
嫁者降服杖
期母為子報
服不杖期○
女子已
者乃服大功
母為女報服
○子為父後
者不杖期○前
夫之子從亡
嫁者服杖期

三才圖會

卷之三




家禮圖

七

家禮圖



正寢時祭之圖




每位設饌舊圖

考位

妣位

果	果	果	果	果	果	果	果	果	果
蔬	蔬	蔬	蔬	蔬	蔬	蔬	蔬	蔬	蔬
菜	菜	菜	菜	菜	菜	菜	菜	菜	菜
米	魚	炙	肉	麵	食	肝	食	米	魚
美	醋	匙	筋	匙	筋	匙	筋	美	醋
飯	盤	筋	筋	盤	筋	筋	盤	飯	盤




兩位並設饌圖

考 妣

無爵用盞
肉或脯或醢

茶食或麵
或米隨宜



按舊圖
考每位各設饌
則四代該八桌
矣今人家廳多
狹隘恐不能容
擬定
考兩位共一桌
設饌若夫地寬
可容者自當如
禮



大 宗 小 宗 圖

大宗小宗圖

廟所生子為繼禰小宗
統親兄弟 主禰廟祭 至元孫 五世則遷


傳至孫為繼祖小宗
統從兄弟 主祖廟祭 至曾孫 五世則遷

傳至曾孫為繼曾祖小宗
統再從兄弟 主曾祖廟祭 至其孫 五世則遷

傳至元孫為繼高祖小宗
統三從兄弟 主高祖廟祭 至其子 五世則遷

始祖始遷及初有封爵者為始祖 長子繼之子孫世世為大宗統族人主始祖墓祭 百世不遷

張氏宗法考曰宗法大宗一統小宗四別子為祖以嫡承嫡百世不遷為大宗小宗有四五世則迂如己身庶也以禰之長子為小宗己父庶也以祖之長子為小宗己祖庶也以曾祖之長子為小宗餘做此大宗絕以庶長子為之後祭始祖以大宗主之祭高曾祖禰以小宗主之其餘庶子雖貴且富皆不敢主祭後世有以派尊年高及德誼足稱者主之則宗法之變也





Faint, illegible text arranged in vertical columns, possibly bleed-through from the reverse side of the page.

宗派

宗派者所以合親屬辨同異也吾族自彥超公
由徽遷瀋爲始遷之祖故嘉慶甲子道光戊戌
兩次譜牒俱以彥超文興派行另列於前惟從
竹堂竹軒二公而下依次順數至良派只十九
派因以芳字足之共二十派是爲老派隆股以
盛隆公爲遷瀋始祖仲派爲二世祖以下照派
順數至禮派爲老派今合堂軒軌隆福新編孝

派以下二十字是爲新派惟隆股義派卽孝派
其餘俱參酌各股舊派從事更改以免混淆云

孝友家聲美振
忠厚發書香

文章功學達
恩榮兆吉祥

序

光緒壬寅秋重九父老相集飲萸酒畢立重修
族譜議越至甲辰春乃坐局不數月始克成書
總領九十卷嗚呼譜豈易修哉祖若宗之錫姓
受氏創先緒啟後昆皆載此譜而淺見薄識豈
足以搜討無遺且生於代遠年湮以下而欲訂
証於代遠年湮以前亦已難矣然祖若宗之功
成於德而祖若宗之德傳於譜修其譜則功與

德可得而傳矣何則角音別姓宮商徵羽不相
亂於譜也彭城封郡天水太原不可通於譜也
派傳百代尊卑不以同宗紊於譜也系分五世
親疎不以一本淆於譜也曰生日卒曰葬曰嫁
曰聘曰娶事必書而理不謬無非所以著於譜
而不愆不忘也至於敘淵源則載於譜者知自
出註凡例則鐫於譜者示永遵編年紀月有徵
於譜也詳諱具官有考於譜也傳事褒善錄賢

旌節譜所觀型也譜之修盛矣乎蟄子繩孫譜
誌其盛也矜殤哀獨譜誌其衰也繼絕註遷譜
不忍其衰而欲其由衰而盛也盛則傳盛衰則
傳衰顧其譜之所載何如耳後之人有念祖若
宗之功不可不求諸德念祖若宗之德不可不
求諸譜譜之求舍是修何求哉鎔族自有譜以
來氏創金天姓賜稔侯京兆桐廬婺水吳淞杉
坑梅結汪溪懷鐸遞衍潛西先人蓋嘗是溯世

澤長綿猗歟盛哉集傳歸諸秉筆出入錢穀銘
 不敢告勞百世之譜萬派同源去偽正訛損益
 時宜祖宗之功德見於譜子孫之續述觀厥成
 非銘之所敢贊一詞也是譜也於祖若宗之功
 與德雖未必能臻其盛於祖若宗承先啟後之
 謨亦永無疆之休矣

光緒甲辰年季冬月

竹堂公裔鎔舜琴氏敬撰

序

譜學興而姓氏之區分始定譜牒集而宗支之
聯屬益親我族散處於大江南北也在彥超公
以前白日碑公遞至遷徽之列祖我得上溯而
追之在彥超公以後自堂軒二公與凡居潛之
分祖我得次第而紀之然得追之紀之而無遺
忘者以宋元來族譜疊修昭然有可取信也譜
之所係不綦重哉先伯父政公纂修之於同治

間距今三十餘年矣先兄芳恩有志未逮

樓

處

此瞻前顧後責難自寬歲壬寅冬會各股諸尊
輩聚議一堂酌定新章確遵舊例越甲辰夏遠
近之稿畢受校閱編輯付梓告竣幸矣哉際海
宇澄清之日舉親親大義家喻戶曉良甚便也
况我族眾遠揚忠孝之風久沐詩書之澤斯譜
一出互相觀感必有激而希聖賢撥科甲報祖
宗德增閥閱光之佳子弟外此亦必皆守家規

安農工商賈之恆業而無惑異端和氣致祥之
庥倍深醞釀將來人之稱我潛陽金者當不徒
爲一邑大族矣雖然宗祠猶未壯大觀也宗譜
猶未集大成也入山而採異材涉江而訪疎族
兩事一歸全美樓以之自期亦以之望繼起之
英也是爲序

光緒三十年歲次甲辰嘉平月

穀旦

竹軒公裔孫

樓

月軒氏敬書

漢書卷一百一十五

漢書卷一百一十五


漢書卷一百一十五

漢書卷一百一十五

漢書卷一百一十五

漢書卷一百一十五

漢書卷一百一十五



序

大族巨室動以閥閱雄世溯厥由來僉謂黃帝
神明之胄甚且據三代以上人物聯章榜示爲
門戶榮噫嘻此皆我華人自大餘習而不識時
務之見也吾金氏日碑公始顯於漢跡厥先世
由來久矣繼後散處固靡定矣因所以有成都
之金淮安之金鳳陽之金錢塘之金上海之金
山陽之金固班七可考而其宗派繁衍枝葉遍

天下非一朝聚首長老在堂故牒在几曷克詳
始出之由溯日磾公拜爵以來功銘旂常名垂
竹帛兩漢沿盛五代封侯其簪纓之盛不可紀
乎然自西漢至今二千餘年矣日磾公至今數
百餘代矣其瓜瓞綿延支分派別不得而盡悉
但屬彥超公苗裔碁布潛陽者固不難於盡詳
也究之功勲著於漢漢則有金張許史魏科顯
於明明則稱金葛徐王由是濟乚多才堂堂華

胄洵不愧爲梅城之望族也粵稽省郡邑志彥
超公後代有偉人故各志旣採輯靡遺於家乘
復纂修盡美然自辛未續修後迄今又三十餘
年勤事諸公半多作古雲祲旣廣竹簡宜增使
不及時纂緒將生故年月失記空疑絳老之年
葬遷墳墓無稽誰識防山之墓後起之責吾輩
奚辭惟是公同搜纂念切敬收諸族長以筆墨
之事付聲聲乃襪線之才豈能經緯但親疎遠

近非譜奚聯大小尊卑非譜奚晰聲勉從諸翁

後勲茲盛舉敢不幾經審慎日夜躊躇竭慮殫

精恪遵成憲披老譜閱新系不憚其勞刪繁冗

正舛訛不惜其瘁自不致魯魚亥豕之誤也於

是原原委委炳炳烺烺燦如日星朗若鬚眉而

後登諸梨棗堪爲後人徵信之書誠如是也雖

不能比檀道鸞之續陽秋自命謹嚴之筆亦效

蘇明允之重譜牒同生孝弟之心而自大之餘

習弗蹈亦敢睦之庸行自著矣是爲序

光緒三十年歲次甲辰嘉平月

穀旦

竹堂公裔孫

聲

魯齋氏敬書



Faint bleed-through text from the reverse side of the page, including characters like '後刻', '正外', '是原', '後奇', '武海', and '皆此'.

序

竊嘗登潛嶽兮蒼匕見其木之欣匕而向榮者
蓋植本之厚也覩潛水兮泱泱見其流之混匕
而不盡者蓋發源之遠也噫吾金氏之繩繩繼
繼宗延皖潛而勿替者孰非祖德之厚而遠乎
念我始祖諱日磾係休屠王太子西漢時入事
武帝謂其國嘗以金人祭天賜姓金氏功封秬
侯卒之受遺詔輔幼主其忠懇之心至今尙垂

史冊傳東漢有珍公者同居五世義門稱盛於
南陽自漢而下若晉隋若唐宋若元明其間文
武顯宦理學名儒難更僕數遞至

國朝雖難言繼志述事追先代忠臣義士之風而
卽此雲祚相繼椒衍瓜綿未始非吾祖植基之
固流澤之長也故其散處四方者姑不具論但
自新安而徙居吾潛者倍極紛繁使不有譜焉
則世次莫分徒抱同祖路人之嘆耳其何以溯

本探源表揚先烈篤親睦族聯屬宗支乎矧吾
族譜牒之修其來久矣唐有文浩是爲創始宋
有道昭朋說繼世纂修厯元明兩朝因時踵輯
不一而足近如康熙甲辰嘉慶甲子道光戊戌
同治辛未迭次增修凡一切典章條例具有成
勞祖宗作則於前孫子弗繼於後不孝之罪莫
大焉歲壬寅冬諸族尊集議續修時城叔華翁
得與斯議族人咸以領袖推之而城亦忝膺珥

筆之任

城

乃少不更事自愧無能然而義不容

辭分所當盡遂於甲辰夏初入館遵舊式而續

新編總理編輯我叔姪不敢告勞然猶幸勩事

諸人和衷共濟彙集各支清稿互相校讐

城

特

於疑似者質之訛誤者正之繁冗者刪之闕畧

者補之他亦遑敢妄參一字藉誇耀乎門蓋問

家乘與國史並垂要惟取鑒董狐庶不致失之

濫而失之誣也故斯譜一出乃知昭穆可序支

派可分尊卑長幼之有倫男女夫婦之有別生
卒行諱之可辨墳墓山向之可稽禮云親親尊
祖尊祖敬宗敬宗收族其譜之謂歟俾後之閱
是譜者油然而生仁孝之心毅然矢續承之志越
一世則一修之越二世則再修之斯無忘木本
水源之道而亦無難增乃祖光也謹序

光緒三十年歲次甲辰嘉平月

穀旦

竹軒公裔孫

城

奠馨氏敬書

張謝三千爭嶺次甲辰嘉平氏四

朱魏公讓而衣兼讓飲次陳汝

許州限表多文斌三世陳再發文

長諧資尚然主口津文心變然天

顯善顯為宗慈宗親慈其精文

卒骨精文可難與墓山向文

派河公尊率吳收文育命畏也夫



序

大凡根深者枝茂源遠者流長溯吾族自西漢
賜姓受氏以來子孫蕃衍遷徙宇內或愛山水
而卜居或由宦籍而築室惟彥超公來自新安
任懷邑之教授遂愛山水之靈秀乃居於潛邑
之西豈非潛陽不祧之祖乎但潛陽之譜始修
於光輝公繼修於德興公以及漆吳公之修輯
歷晉隋唐宋元明數朝魏科顯宦邑志郡志史

不絕書老序俱以備載無庸瑣碎矣故康熙甲辰蝸閣二公出檄倡族僉謀精心無論矣迨乾隆癸巳猶得德興公續修一牒堪爲後人徵信之書其間兵寇頻凌尙無殘編斷簡之嗟自嘉慶甲子先大父勲公先叔父鼎公緯公合族諸公續修之仍遵德興公之舊式已覺委晰源清至道光戊戌先叔父鰲公堂伯銘暨公與諸公重修之更覺脈絡分明甚至同治辛未堂兄珏

公親兄英公並與諸公獨任秉修莫不窮源竟委秩然於簡牒之中迄今有三十四年矣若不恪遵成憲酌量時宜有爲於前者美而弗彰復爲於後者盛亦弗傳 光緒壬寅秋九月諸族尊集議倡修不我遐棄謬委武以督修兼委琛以秉筆武愧才識分淺不堪勝任宗祖原立有成規子孫不敢不繼繼其志然敬宗收族而分所當盡之事我父子義不容辭惟是竭力殫精洗

心滌慮幸與同事諸人和衷共濟硯席相參彙
集成編增新棗梓甲辰孟夏入館乙巳仲春告
成雖欲告無罪於先靈差增自信耳俾後世有
作者當知宗祖之功成於德而宗祖之德註諸
譜逾世而一修之則人文蔚起忠孝節烈輝煌
於譜帙之中是有望於後之繼起者謹爲序
光緒三十年歲次甲辰嘉平月

穀旦

竹堂公裔孫芳

武

子香氏

琛

獻廷氏敬撰

序

間嘗思國之史家之譜均屬一理也史載當代
之事法戒昭然譜敘歷代之原昭穆可考緣我
族歷朝以來登顯宦者有人擢高科者有人子
孫繁衍分支遷徙者則又有人矣然姑不具論
惟憶我祖彥超公教授懷邑愛舒州山明水秀
遂家於潛焉然自昔以遞

國朝名哲挺生賢豪輩出一修於康熙甲辰再修

於嘉慶甲子三修於道光戊戌以及同治辛未
迭次纂修約而計之今又年逾三十矣若不及
時參訂將生娶卒葬紛七莫考今幸諸君倡修
宗譜和衷共濟殫精竭慮竝不告勞於時諸君

命

明

附勲盛舉

明

已年邁辭不獲已遂乃謬肩

重任前來會晤諸君迴思身立局中兩番校訂
洵非易七然幸同事諸人若樓若城皆係達士
風明亦歷任艱難而不畏備嘗辛苦而不辭精

心校閱間有訛誤者更之疑惑者叅之簡畧者
補之繁蕪者刪之庶幾上可告無過於先靈下
足垂休光於後世茲值譜牒告竣聊敘數語以
列簡端云爾

光緒三十年歲次甲辰嘉平月

穀旦

竹軒公裔孫

明

逢波氏敬書

金田旗譜

卷首

三

皇鳳堂



序

蓋聞譜也者所以溯一本而探其源究萬殊而清其流何也所以明有尊有親也若爲人子孫不續修譜牒將何以悉其源所自出流所自分誠如是也欲其長幼有倫昭穆有序洵非易事果將何以篤尊親之誼也爰我族自日碑公受姓以來忠孝昭垂萬世仁義丕著千秋傳至南宋彥超公任懷邑教授愛潛邑山水之秀而遂

居焉憶其時人文蔚起子姓繁昌理學名儒巍
科顯宦不亦開潛嶽之先聲也乎不亦爲潛陽
之望族也乎由是纂修譜牒代有名人源流支
派詳且悉矣凡例家規約且該矣使不及時修
輯將生故莫考空疑絳老之年墳墓難稽誰識
防山之墓是以情深敵睦念切敬收諸族尊舉

源膺重任源知才不勝任但義不容辭亦惟勉

從諸翁後得與和衷共校使親疎遠近璧合珠

聯大小尊卑條分縷晰庶上有以詳先人之實
蹟下有以展後嗣之孝思觀斯譜者孝弟之心
可以油然而生矣是則源所厚望也夫是爲序
光緒三十年歲次甲辰嘉平月

穀旦

竹堂公裔

源春塘氏拜書

金田旗譜

卷五

一

一



序

歐陽公曰川流派別當知同源人代散殊當知
同祖是則家之有譜固所以敬宗收族也我金
氏之譜同治辛未重修迄今已逾一世凡生名
卒葬與夫言行事功之宜紀載者類難更僕數
客歲族眾因議續修命煥文珥筆從事於其間自
思學淺才疏難膺斯任因固辭族眾僉曰辛未
重修汝祖父成美公總理諸務今若置身局外


將下無以副族眾之望而上亦無以爲祖武之
繩汝能無遺憾與廼辭不獲已從諸君後凡一
切事宜俱商酌爲之越數月遂觀厥成夫我族
迭次纂修凡館內任厥事者各有序以垂不朽
溯自西漢日碑公得姓南宋彥超公遷潛其間
支分派別已詳老譜及諸君舊序矣且程式仍
法歐陽卽凡例家規罔不恪遵成憲欲序之其
奚辭雖然予竊有感焉開之根深者葉茂源遠

者流長古今來世家巨族未有不從積德來者
故子孫之盛衰每視祖德之厚薄以爲修短之
數予金氏自稔侯仕漢後忠孝文學代有傳人
卽吾潛之掇高科膺顯宦以及名儒良吏載於
郡邑各志者難以枚舉非世濟其美曷克如斯
後之人務宜敦倫飭紀以振家聲積功累仁以
全孝弟庶幾門閭益能光大子孫愈慶蕃昌近
不愧潛陽望族之稱遠可繼漢世珥貂之甚矣

光緒三十年歲次甲辰嘉平月

竹軒公裔孫煥文潤墀氏敬書

穀旦



序

天文有志何所以紀星辰之躔度使之無徵不
顯也地理有圖何所以紀山川之脈絡使之有
條不紊也人生天地之間五音旣審百族斯分
卽一族之中椒衍瓜綿猶星辰之羅布耳猶山
川之綿亘耳不有譜以紀之其不至數典而忘
者蓋鮮朱子有曰三世不修譜謂之不孝誠哉
是言也我族自西漢日磾公受姓以來子姓蕃

昌幾遍天下未可殫述第潛邑一支自明季光
輝公創修家乘繼而斗陽公漆吳公黃山公以
及

國朝康熙甲辰年懶菴公石樓公至乾隆甲子
年枝公道光戊戌年鐸公同治辛未年先聲公
鳳喙公歷修數次披而閱之美矣詳哉有典有
則無濫無遺然會幾何時又三十餘年於茲矣
客歲立續修之議諸尊謬委余以編輯之任幸

有樹廷翁勤而謹翠華翁精而明月池翁文而
理未逾歲遂彙稿成書秩然有序亦燦然成章
余以蠡測管窺之見得從二三君子後日奔走
其間非敢謂與有勞也亦尊祖敬宗之心勃發
而不能自已耳今將付梓故不揣固陋塵穢簡
端迨剞劂告成吾知斯譜之修其將與天文之
志地理之圖共此永垂不朽云是爲序

光緒三十年歲次甲辰嘉平月

穀旦

金田旗譜

卷五

三

嘉慶堂

竹堂公裔孫琳琢章氏敬書



序

我族之遷居潛陽也由來久矣自漢而下歷晉
隋唐宋其中之名哲挺生賢豪輩出代不乏人
遞至彥超公秉鐸懷邑愛舒川山明水秀而遂
家焉由是人丁蕃衍派別支分不有作者雖美
弗彰不有述者雖盛弗傳曾是譜牒之修顧不
重歟况自同治辛未至今年逾一世若不速爲
登記世系之源流莫別祖宗之行諱莫知墳墓

之山向莫考則遠紹旁搜之力不可憚而參考
互訂之功不容緩也客歲合族集議照舊續修
諸族尊謬委傳以鉅任傳愧年少學淺乃辭不
獲已遂敬從諸先輩命相與同事諸人風雨連
窓彙集各房清稿互相校讐無徵者闕之可信
者傳之幸不致沿訛襲謬遺誤後人竭慮殫精
譜事不數月告竣矣實賴祖宗之靈也抑屬子
孫之福耶伏冀我族人之閱是譜也敬宗收族

翕然生仁孝之心溯本探源秩然講睦雍之道
凡前人之德行科名忠孝節義當亦遵效以開
示來茲庶宋之金張許史明之金葛徐王聲稱
可以不墜矣是爲敍

岑維

光緒三十年歲次甲辰嘉平月

穀旦

竹軒公裔孫傳乙樓氏薰沐敬書

金田城記

卷一

一

新屋堂



序

或有問於予曰譜何爲而作也予應之曰爲親
作也譜其氏族所自出則本源可溯譜其遷徙
所自出則更歷可詳譜其祖考所自出承傳可
紀雖派別支分其初皆出於一本則由一本而
散爲萬殊應合萬殊而歸於一本此譜之所以
作也我金氏譜牒 國朝以來自太高祖懶菴
石樓二公捐修創始也繼此者代不乏人後先

纂輯於一切行例款式以及源流遷派靡不委
晰源清而世系載於圖行實存乎傳尤完且備
閱前譜可知但自同治辛未重修今又年逾一
世矣其間之未登梓者悉數難終若不早爲搜
羅編輯將日久日離而親者反疎其不相視如
奏越人也幾希壬寅冬族眾相聚出檄續修議
舉本生父煌監理其事亦囑綬執筆相從噫才
本庸劣識等管窺敢以任大責重者妄自担荷

乎幸父年近古稀精明強健猶有矍鑠風焉且
同事諸翁類皆宿學互相參考以匡其不逮蓋
於收族敬宗之大極不能忘斯竭力贊襄訂爲
完璧則三十世之源流可溯而九百年之支派
不紊也非

聖天子仁讓之雅化我先祖忠厚之心傳奚以
昭此雍睦也耶後世子孫有志尊祖不可不敬
宗有志敬宗不可不收族收族之功舍譜其何

以乎吾族其鑒乎哉吾族其勉乎哉

光緒三十年歲次甲辰嘉平月

竹堂公裔孫綬組輝氏敬書



序

周官以小史掌奠繫世使知祖宗之本源而譜牒肇興至歐蘇二家仿太史公世表斜上之法以作譜一直圖一橫布後人兼而用之蓋所以紀源流辨名分覈真僞使一本九族之人相親相愛以遞相親愛於無涯也源流著則瞭如指掌雖年湮代遠而脈絡相承班七可考矣世次詳則燦若列眉雖風流雲散而淵源不隔井井

有條矣各分明真僞判則昭穆無淆尊卑不紊
而同宗必錄非種必鋤自不致合姬姑爲一家
指汾陽而妄拜矣雖支分派別總出一源葉茂
枝繁胥歸一本雍睦於此起仁讓於此興教化
於此行風俗於此厚而親愛之心亦於此而彌
篤前人之所爲必二三十年而一修者其職是
故乎吾金自漢以五侯錫爵七葉貂綿歷世推
爲大族宋稱金張許史明稱金葛徐王由來尙

矣至遷潛祖功宗德仕宦階梯與夫忠孝節烈
學士文人固已備詳於舊牒矣蓋自康熙甲辰
嘉慶甲子道光戊戌同治辛未迭次纂修盡善
盡美無濫無遺今又續修之議例一做成規繁
簡更加斟酌較舊譜尤爲精核幾乎莫贊一辭
然椒衍瓜綿子孫蕃盛聚族於潛者凡數千人
其生卒年月塋兆方域子女配室居址變更文
武爵秩品詣勲名使不亟登簡帙閱數十年之

後鮮不闕漏遺忘者壬寅冬集議重修畫一章
程議定甲辰仲夏建館於撥蒿坂族中諸君子
鳩工庀材協心踴躍兩載告成咸推族弟姪暨
予編輯世系予慚謏劣奚能勝任第思尊祖敬
宗收族之舉莫要於修譜牒其曷容辭因與城
共爲編輯和衷共濟幸同事諸翁日夜校讐付
之剞劂而壽之棗梨不辭勞瘁相與有成斯役
也蓋造於壬寅冬而報竣於乙巳年覩是譜者

庶幾識源流明世次辨名分別真僞而倍相親
愛禮樂詩書之澤彌長甲第簪纓之傳愈熾而
是譜亦綿乚延乚昭垂於億萬斯年而未有艾
也豈不懿哉

光緒三十年歲次甲辰嘉平月

穀旦

竹軒公裔孫思謙夫氏敬書

金田

卷五

三

三



序

蓋聞論事之書不一而紀事之例有三在朝廷
曰史在郡邑曰誌在宗族曰譜譜者上溯歷代
之源流下序合族之支派雖爲一家之世紀實
繫萬世之綱維士君子深水源木本之思切飭
紀敦倫之念莫不有資於譜焉粵稽吾金氏固
少昊天氏之後潛邑四大望族之首也至於受
姓之原由遷潛之實蹟與夫歷代之忠孝節義

德行科名前人於譜牒間已備言之

磨

後生無

庸復贅矣

磨

惟思譜系貴於勤修始克原清委

晰但自同治辛未續修而後迄今年越三旬生齒之繁較前更盛若不及時纂修則生娶卒葬無知墳墓山向莫辨是以合族復議修輯舉磨

編輯本支

磨

畧年肄業雞窻眉山之圖未嘗考

核壯歲傳經馬帳廬陵之法何暇推求輾轉自思若難肩斯鉅任然情實切於尊親豈容退縮

義原深於愛敬奚忍推辭惟是勵志銘心殫精
竭慮清理舊牒彙集新篇矩矱常守乎高曾筆
削不憑乎臆見凡先祖之墳塋族人之生卒遠
遷之脈絡支派之蔓延無不縷析條分昭然簡
冊舊夏入館今春告成祇期上妥先靈下慰眾
願耳雖然譜之修也事至重也任至鉅也幸諸
先生同心協力速告成功於以見光前裕後之
美也磨一人何功焉爰敬敘數語於簡篇俾世


世子孫庶知尊祖敬宗莫善於譜也夫是爲序

皆維

光緒三十年歲次甲辰嘉平月

穀旦

竹軌公二十代裔孫月仙氏薰沐敬書



序

人之有祖猶水之有源木之有本也水必濬其源而後支流盛木必培其本而後枝葉昌此固探本溯源之論亦卽尊祖敬宗之道也夫所謂尊祖敬宗莫善於譜譜者普也所以普周乎宗族也譜者布也所以布列乎事實也是故廬陵歐陽氏眉山蘇氏著二家譜法士大夫宗之而敵睦之風用昭明於天下我族自稔侯日禪公

侍中倫公受姓發源爲京兆始厥後人文雀起
忠孝著名者代不乏人而其發祥於新安者則
自宋之侍郎安節公始繼而分遷江南以及閩
浙川湖等省散處不一難以悉數惟彥超公支
分竹堂竹軒彥昆公支分竹軌勝隆公支分仲
宣仲琳俱由徽遷瀋奈其間支分而譜亦分不
幾抱同祖路人之嘆乎今幸各股各支念我金
氏雖子姓蕃衍總不外於京兆之所出因有合

修宗譜之論越癸卯歲議成因與叔良楠兄月
軒孫舜琴弟蟾桂諸人協力同心共勩厥事凡
世次昭穆款式莫不悉遵乎古本亦不敢創也
徵文考獻列傳分圖俾後嗣得知原原本本炳
七烺匕卽各房之支分亦無不朗若列眉斯則
敦睦族之要道也矣朝不敏原不敢妄參管
見但旣隨諸大人後以効微勞不得不掇數言
以弁諸首

光緒三十年歲次甲辰嘉平月

勝隆公裔孫

魁剛

敬書

穀旦

舊序

禮云親親故尊祖尊祖故敬宗敬宗故收族是譜之修所以泝烈祖之源流而序合族之支派也吾族自日磾公受氏以來厯晉隋唐宋元明數朝人文彪炳於史冊氏族丕著夫華宗其間迭次纂修譜牒簡端已備言之毋煩瑣碎矣至

國朝疊次增修吾先祖諸公具有成勞迄今又年逾一世且遭寇氛幸賴祖宗在天之靈子姓盡荷

庇佑不致銷磨然生娶卒葬與夫忠孝節烈德行
科名凡可增史乘之光而爲後世法者皆不可仍
其闕畧無紀致湮沒不傳也舊歲族眾集議修輯
謬推振攝理巨綱愧不稱其分但事屬統宗義不
容辭將分派司出入者若而人編輯者若而人幸
諸君夙夜精勤竭慮殫心纂輯成牒上期告無罪
於先靈下可傳信於後裔耳若恢先緒振家聲有
望於後有作者以繼志述事爲念而綿珥貂之世

搜輯而能於灰燼之餘以創修登梓哉但二公創
修後又越百餘年至嘉慶甲子及道光戊戌兩次
續修雖歷年未久奈中遭寇擾族人幸未銷磨舊
譜難免闕失雖較前之易爲力不比後之難爲功
乎曩歲族尊共議修輯謬委綸總理巨綱綸實不
勝其任然事屬啟睦之重非義所能辭前人已立
成規後人自當繼志茲派編輯者有人勲事者有
人敢不夙夜持籌以成厥事俾上可告夫先靈下

可對諸子姓哉至若後之恢宏先緒不振家聲莫
非宗功彪炳祖德綿延也茲值譜牒告竣不揣謏
劣以敘數語於簡端俾後之繼起者知譜宜越世
增修得廣仁孝之心不墮宗祖之緒也夫是爲序
同治十年歲次辛未季冬月

穀旦

竹堂公裔孫

綸緒分氏

敬書

舊序

同治庚午冬吾金氏之隸籍於潛者竹堂竹軒二
公暨竹軌公裔孫公議重修譜牒事例悉監舊章
合族諸君子謬以聲爲老成屬以總領之任聲思
吾金之受封得姓始西漢稔侯日磾公七葉珥貂
爲京兆望族嗣是遷南陽遷建康遷姑蘇遷桐廬
遷休甯至彥超公教授懷邑愛舒州山水之盛遂
卜築於潛迄今七百有餘年矣而譜之修於有明

以前者姑不具論

國朝定鼎以來一修於康熙甲辰再修於嘉慶甲子至道光戊戌又重修之從先兄雲峯從事其間

聲年幼肄業詩書未與所役而回首憶之則已越

三十有三載其間爵齒嫁娶生遷死葬之宜紀事行之宜傳且贊者甚夥兼以粵寇蹂躪舊譜不無所遺亡而忠孝節義更有所當急爲表章者則譜之續修信難緩也夫譜非以誇張門第要必紀錄

皆從其實使昭穆分明可由異流而溯同源乃有
合於敬宗收族之意焉聲秉性迂拙慮不堪任因
再三固辭而卒不獲已乃於夏初入館從事諸宗
碩後殫精竭力不敢告勞而諸宗碩或司編輯或
司校閱更皆同心協力工九越月而卽告竣是祖
宗之靈耶抑孫子之福耶昔邑侯常嘗譔吾金氏
譜曰灑之金實多賢其爲忠孝節義理學文章茂
績隱德彬彬乎代不乏人又曰厥事惟慎厥詞惟

質靡溢靡據譜之實史之也今茲之譜詳明簡要雖不敢謂譜之實史之而合族之閱斯譜者共勉爲忠孝節義文章茂績隱德以光先緒而裕後昆是則所厚望也夫

同治十年歲次辛未季冬月

穀旦

竹軒公裔孫聲成美氏薰沐敬書

舊序

凡世家大族之有譜也所以啟敍九族維繫一本
溯賜姓受氏之源紀簪纓閥閱之盛尊卑長幼之
有序男女夫婦之有分生卒行諱之可辨墳墓山
向之可稽譜之時義大矣哉吾族自漢以來歷晉
隋唐宋其間或以爵顯或以隱高代有俊彥至彥
超公由新安官懷寧而家於斯是吾族始遷之祖
也由潛而上溯之譜凡九修迭經兵燹銷燬殆盡

僅存斗陽公譜一冊續懶庵去的二公拾灰燼之
餘摹訂於康熙甲辰惜未得斗陽公舊牒嘉慶甲
子先大父勲公叔祖鼎公緯公倡議纂修遵斗陽
公舊式信以傳信疑以傳疑若網在綱有條不紊
道光戊戌先叔祖鰲公堂伯銘公遵甲子式斟酌
續修源清委晰并彙有紀年一篇附載卷末尤爲
生卒徵信之書迄今三十餘年世移勢易兼遭兵
燹叨祖宗之呵護雖有顛沛流離之失尚無殘篇

斷簡之嗟茲值 昇平合族共興仁孝集議續修

謬委

英

以秉筆之任兼列

瑩

於校閱之班我叔致

義不容辭因相參硯席清理舊牒補續新系恪遵
成憲酌量時宜正後人之所必欲正增前人之所
不及增幸同事諸翁皆練達之士共濟和衷不數
月而告成矣詩云繩其祖武昭茲來許其譜之謂
乎又曰子子孫孫勿替引之尤譜其譜者所厚望
也乎謹序

同治十年歲次辛未季冬月

穀旦

竹堂公裔孫

英立門氏
瑩理山氏

薰沐敬書

舊序

竊聞族之有譜所以明尊尊之義廣親親之仁者也必厯世增修庶原清委晰我族白日碑公西漢賜姓傳彥超公南宋籍官任懷教授居潛撥蒿是公固潛不祧之祖也迄今代屆四朝年幾八百祖祀修明世澤綿遠莫非譜牒勤修之力顧宋元兩朝無庸覲縷迨有明一朝疊次纂修一時尊親有紀仁讓風行續天啟年間先祖漆吳公重修稿未

登梓燬於祖龍譜遭兵燹人被銷磨非徒行諱莫知亦且卒葬無考至

國朝康熙甲辰簡在去的先公念十一代之華宗迭遭兵火搜百餘年之舊牒閱得殘篇出檄倡族僉謀精心創登梓棗以俟人文蔚起不嘆文獻無徵及嘉慶甲子道光戊戌兩次重修至今又越三十餘年矣其間迭遭寇擾尙賴祖宗之呵護未甚兵疫虜亡前歲族尊僉謀修輯謬委

焱

珥筆

焱

愧

識淺分微不勝其任然敬宗收族莫大於斯宗祖
已立成規子孫自宜繼志且仁所當盡亦義不容
辭幸同事諸人和衷共校刻意相參核厯代先系
正錯辨訛彙各股新編補遺刪復夏初入纂冬末
告成雖難告無罪於先靈差堪爲續修之世紀俾
後有作者當知傳信辨疑不致沿訛襲謬至若祖
德宗功國史彪炳忠孝節烈邑乘流傳簡端悉已
採錄謏劣夫復何言是爲序

同治十年歲次辛未季冬月

竹堂公裔孫

焱樓梧氏

敬書

穀旦

舊序

蓋聞譜牒之設所以溯本源睦宗族紀世系別支
派固人倫之所關名教之所重者也吾金氏自日
禪公賜爵受姓以來名哲挺生賢豪輩出史不絕
書遞至宋理宗朝彥超公發跡新安司鐸懷邑愛
舒州之山水而遂家焉譜牒之昭著先代厯有明
文迨明季兵燹舊牒多殘於戎馬烽煙幸祖靈不
昧猶存斗陽公續修一牒洵爲後人考証之書故

康熙甲辰去的公獨任秉修無論已嘉慶甲子

珏

先伯祖勲公鼎公緯公合族諸公遵珪譜纂修之
已覺源清委晰道光戊戌先大父鰲公堂伯銘公
暨諸公續修之更覺脈絡分明曆今年閱三旬子
姓雖爲蕃衍奈經兵寇頻凌閱有棄其家室者遺
其骨骸者流離莫決卒葬難稽邇日海宇承平不
速爲登記恐愈久愈湮則遠紹旁搜之力不可憚
參考互訂之功不容緩也通族集議照舊續修擇

辛未孟夏月建館於珏宅諸尊舉珏總理諸務
日夜躡躡力難勝任幸秉筆者有人校閱者有人
徵稿歛費者有人諸翁一德一心共勦告竣上妥
先靈下慰眾願因敬敘於簡端俾子若孫知譜帙
綦重有以明人倫崇名教云爾

時維

同治十年歲次辛未季冬月

穀旦

竹堂公裔孫 珏 夢書氏敬書

自前年平賊後...

執事錄

其重者以聞人論崇谷...

未盡其詳...

其詳其詳...

其詳其詳...

其詳其詳...



舊序

家之有譜猶國之有史也國無史則莫知興衰治亂之由家無譜則罔識世系源流之辨斯二者大小雖殊而其究不可無也我族自西漢日磾公而下修譜者代有其人元明以前姑不具論卽國朝定鼎以來一修於康熙甲辰再修於嘉慶甲子三修於道光戊戌今閱舊牒見夫世系之分明源流之清晰原原委委炳々烺烺洵足爲一家之

信史也第戊戌至今三十餘年矣而通族之未登
譜牒者什屬八九戊辰春族眾共謀重輯舉秉先
父總理其事維時承平未久人丁離散費用艱難
先父雖年老抱病猶復日夜經營不辭勞瘁而不
意庚午春病勢加重竟爾捐館嗚呼豈祖宗之不
庇耶抑壽數之有定耶因憶古人云才學識三者
不備不足以修史而於譜亦然秉自念孀匕在疚
少不更事將欲勉承厥志恐不無折鼎覆餗之虞

也是以請族眾力爲告退迺者諸族尊不我遐棄

謂

秉

不能總理其事亦可分任其勞

秉

思乃分所

當爲亦義不容辭者也惟是殫精竭慮清理舊牒
校閱新編訛誤者更之闕畧者補之繁冗者刪之
期無魯魚亥豕之誤而尤幸同事諸人和衷共濟
不數月而適觀厥成秉雖難告無罪於先人亦祇
求免過於族眾而先父庶瞑目於九原矣至於得
姓之原由遷濶之實跡與夫歷代之巍科顯宦以

及忠孝節義淑賢貞烈之足以光前裕後者前譜
 已言之至詳且悉固無俟秉之復贅矣茲當譜將
 告竣不揣謏陋聊誌巔末於此是為序

時維

同治十年歲次辛未嘉平月

穀旦

竹堂公裔孫秉

麗生氏

薰沐敬書

舊序

昔蘇老泉序蘇氏譜云觀吾之譜者孝弟之心可
以油然而生矣然則譜之修也其所關繫者不綦
重哉我族自日磾公賜姓受氏珥貂者凡七葉簪
纓之盛甲於兩漢美哉始基之隆矣至宋彥超公
秉鐸懷邑遂卜居於潛厥後子姓蕃衍人文蔚起
有明一代理學名儒巍科顯宦載於郡邑志及家
乘者難以枚舉故潛邑舊稱四望族以吾金氏爲

首焉

國朝以來譜牒凡數修矣總其事者類多宿學自
道光戊戌重修而後迄今又世歷三紀且值兵燹
之餘各房譜牒不無殘缺是以合族急議續修命
陶秉筆從事其間陶愧年少學淺弗敢肩斯鉅任

乃辭不獲已遂敬從諸先輩命亦惟盡心校正期
無舛訛庶有以上答陶先祖之靈併以仰副族尊
之意也夫雖然譜之修也實以尊祖敬宗收族同

斯譜者當共敦親睦之風無忘本原之合庶如葛
藟相庇瓜瓞永綿孝弟之心觀斯譜則油然而生
斯無負於蘇氏所云而亦不愧爲潛陽望族焉爾

時維

同治十年歲次辛未嘉平月

穀旦

竹軒公裔孫

陶蘭齋氏

薰沐敬書

金田放論

卷五

三

嘉慶



舊序

譜之爲道溯一本而濬其源所以明有尊也究萬
派而清其流所以明有親也爲人子孫而不修譜
牒則不知其源所自出流所自分勢必至昭穆失
序長幼失倫甚非所以重本根篤恩誼也我族今
春開館至此得告成功於先人雖以政之不敏亦
幸以濫竽厠總領之列而諸族尊謂政當敘之夫
吾金氏之由來與夫譜之疊次修輯者前人已言

之詳且明固無事瑣瑣再贅也 政惟思稔侯仕漢

子孫七葉顯於朝史嘗有金張許史之稱自彥超

公遷潛繼繼繩繩人文蔚起或以科甲極功名之

望或以文章擅才子之名而且忠孝節義見詳於

縣志府志省志者代不乏人故俗亦有金葛徐王

之稱焉彼古人有言曰莫為之前雖美弗彰莫為

之後雖盛弗傳若吾金氏庶可謂前與後相輝映

歟雖然前者有定而後則無窮使吾族之人長此

登科甲能文章以忠孝節義相敵勉則近有以副
金葛徐王之稱遠且有以繼金張許史之稱矣而
後之視今不將猶今之視昔也哉是爲序
同治十年歲次辛未嘉平月

穀旦

竹軒公裔孫

政揚亭氏

薰沐敬書



舊序

我族自南宋彥超公官籍於瀋歷元明以及
國朝至今七百餘年源遠流長支繁派衍舊譜註
載已詳且悉但道光戊戌續修後今又年逾一世
兼之中遭寇擾族人雖未銷磨譜牒難免殘缺舊
歲族眾存心散睦集議修輯命明校閱明實無能
勉從諸君子後幸同事諸人皆明達之士相與同
心校訂率由舊章補編新系雖難言繼志述事昭

示來茲亦不敢踵事增華貽羞後世茲值譜牒告
成之日敬敘數語於簡篇欲爲子者見是譜知親
之當孝也欲爲弟者見是譜知兄之當恭也且欲
合族人見是譜知一本之當聯屬也俾上敬宗祖
勿替前光下示子孫永垂後嗣斯珥貂之家聲不
墜而侯封之世澤堪追也夫謹序

同治十年歲次辛未嘉平月

谷旦

竹軒公裔孫

明逢波氏薰沐敬書

贈金府修譜序

嘗觀大丈夫得志於世登顯仕立殊勲懿燦乎名
布揚於天下其人信非鄉先生之所能同卒之敦
睦重務撫衷難免闕如是亦人生一大闊疎之患
也而吾友紉秋仁兄之於族則不然歲戊辰儲珥
筆輯匯譜並輯支譜坐館嶺公祠祠之前乃紉兄
托居宇也儲偶會睹便相識如初自是風晨月夕
杯茗談心意與投情與洽因得悉其生平行事爲

人雅不欲與庸俗伍何者其秉性也直而方其居
家也約而勤其訓子也嚴而督其臨財也廉而介
其應物也公而明儲默爲銘佩者久之迄秋八月
間貴族倡修宗譜議紉秋兄踴躍趨公慨然矢敢
睦志斯其崇大義急本圖蓋過人遠甚矣且夫金
府少昊天氏之後吾濞四大望姓之首出者也系
屬彭城宗延皖國厯朝名儒碩彥科第相繼卓然
爲邑志光者難以更僕數卽近時賢豪蔚起或以

孝廉興或以膠庠顯衣冠累葉彬彬如後先輝映
焉至於雲礽蕃茂如椒之衍如瓜之綿尤非可以
屈指計茲者輯貴乘儲知同秉巨筆若待詔鳳嗜

玉振品三變陽諸先生才學識之兼優者也總理
宏綱若馭廷顯達先春殿選諸先生清慎勤之備
至者也而紉兄不時往館遇族中有待排解事一
秉公與族眾商而曲直是非罔弗爲之立剖噫嘻
處宗族如紉秋兄殆所謂篤於親而敵睦無歉者

歟儲不文忝屬心契願書數言附華帙而爲之序

岑維

同治十年歲次辛未季冬月

穀旦

世弟副舉人霽坪汪士儲拜撰



舊序

蓋家之譜猶國之史也上以敬宗盡尊親之義下以收族全散睦之仁故必世世增修始克源清委晰派別支分俾尊親有紀敦睦成風也我祖自西漢日磾公受姓以來華胄遙七人文炳炳傳至南宋彥昆公因兄彥超公官籍於瀋之西北我祖遂卜居於邑南老塍頭而家焉公非潛不祧之祖乎一傳文元公再傳竹軌公耕讀垂訓不墜先聲孝

友傳家克昌後嗣迄今代歷四朝年近八百其間
代有作者皆以祖史爲懷慨然以纂修自任然元
明以前姑不具論迨

國朝康熙甲辰創修於闈公嘉慶甲子續修於鼎
公類苦心乎敬宗收族而不憚纂輯之勞也及道
光戊戌著鰲銘諸公續修

家

忝列其班幸總理修

輯者盡屬偉人闕疑傳信正錯辨訛堪爲一家世
紀也奈咸豐年間叠遭寇擾幸賴祖宗呵護譜帙

尙未銷磨迄今年逾一世諸族尊復議修輯謬委

家編輯本支

家

雖老邁義不容辭幸同事者皆係

達士風雨連窻精心校訂無徵者闕之可信者傳
之舛訛者正之疑似者參之務期可質諸先靈而
後壽諸棗梓茲當譜牒告竣聊述片言於簡端以
俟後之繼起者俾知祖宗功德之宜傳子孫世次
之當紀與夫忠孝節烈有光邑乘者猶不容不急
書也是爲序


峇維

同治十年歲次辛未季冬月

竹軌公十八代裔孫

賢家慎三氏

頓首拜書



老序

譜牒之修所以奠合族之世系序歷代之源流也
吾族自西漢日磾公賜姓受氏遙上華胄有自來
矣晉宋隋唐人文蔚起武功彪炳以及忠孝節義
之流傳於後世史不絕書譜卷首已次第序之而
其卜居於潛也任懷邑之教授開灑嶽之先聲實
自彥超公始自公隸籍以來舊固有譜傳至
本朝康熙甲辰無論已嘉慶甲子吾先兄鼎公倡

修族譜具有成勞猶依七若前日事顧自甲子至今已曆三十餘年其中生娶卒葬年月日時與夫德行科名賢淑貞節凡可以光諸簡冊昭示來許者皆不可仍其年湮日久漸迄銷磨及今而續修之不較易爲力哉廼者諸族尊共謀修輯舉鰲以總理其事分派編輯者若而人校閱者若而人歛費者若而人相與同心戮力清理舊牒補續新系不失之誣亦不矢之畧期於細心斟酌告無罪於

先靈已耳夫譜牒之續修不自吾輩始也有其舉
之莫敢廢前之人述其事後之人承其志雖鰲年
老邁亦義不容辭但事體重大費用浩繁兢乚焉
爲之日夜持籌而日用所需自甘淡泊不敢以稍
涉冗濫者致來虛糜之嫌也鰲老矣幸通族之僉
謀成一家之實錄譜牒告成庶完生平未了之事
余願足矣繼自今優游杖履含飴弄孫以樂餘年
而已至若恢宏先緒丕振家聲思祖功宗德之長

爲孝子慈孫之舉閱數十年而一修之是所望於
後之繼起者

道光十八年戊戌季冬月


谷旦

竹堂公裔孫齋薰沐敬書

年七十有三

老序

族之有譜昉於唐世家大族彙曆代派系爲一家
編錄而譜牒遂與史書竝傳宋爐陵歐陽氏眉山
蘇氏著二家譜法士大夫宗之敢睦之風用是昭



著於天下伊川程氏云管攝天下人心收宗族厚
風俗使人不忘本譜之時義大矣哉吾族自南宋
理宗朝彥超公徽人教授懷邑愛舒州山水之秀
遂家於潛是公爲遷潛之祖焉自宋及今朝經四
代年逾六百其間代有作者慨然有收族敬宗之
心以倡修宗譜爲己任宋元以前姑不具論有明
一代成化辛卯創修於光輝公嘉靖丙戌再修於
斗陽公其時人文雀起子姓昌熾天啟間伯英公

復重修之編成尙未登梓而兵火失其稿叠遭明
季寇亂凶荒死兵死疫銷磨殆盡吾族人丁僅存
什一於千百而生卒之闕畧墳墓之遺亡誠可悼
嘆猶幸有斗陽公譜一册上有所承下有所考得
非祖宗在天之靈默呵護於冥漠中乎迨

國朝康熙甲辰去的公重修族譜收兵燹灰燼之
餘率意成帙不無訛舛是以不能傳信於後嘉慶
甲子年合族續修仍遵斗陽公舊本信以傳信疑

以傳疑支分派別不致混淆而無辨自甲子及今
歷三十三年通族復議修輯諸族尊謬委銘以秉
筆之任銘雖分卑學淺義不容辭幸同事諸人和
衷共濟彙集各房清稿互相校讐訛誤者正之舛
錯者更之遺漏者增之重複者刪之不敢沿訛襲
謬貽悞後人殫精竭力閱八月而功成若夫源流
之清晰支派之分明以及祖德宗功之深厚忠孝
節義之芳徽圖卷中已具言之茲皆畧爾不陳懼

贅也

道光十八年戊戌冬至日竹堂公十九代裔

孫銘緘三氏敬書

老序

古人云三世不修譜謂之不孝誠哉是言也蓋譜不修族姓之原委無稽祖宗之行諱不識生娶卒葬失考親疎尊卑莫分甚至甲第豐碑幾同野月牛眠馬鬣等若浮雲不孝孰大於是我族自日禪

公與弟倫公漢時入事武帝錫爵受姓族望京兆
至唐文浩公始修族譜於桐廬嗣是休甯之承託
道昭兩番校訂汪溪之朋說若洙應桂三次纂修
繼宋而專美於元者非玉相文元克篤前烈乎其
在於明譯公大公德珰紹宗仕衍思明儼然諸公
作於前弁公倣公繼於後斯皆仁孝篤於祖宗詒
謀垂於奕葉舊章猶在徽譜如新展卷時不勝留
連慨慕之思亦越吾潛大恢先人之緒祥開卜世

之綿者由休甯彥超公於宋理宗時教授懷寧而
家焉公非吾潛不祧之祖乎奈元末兵燹先世之
譜帙非銷殘於戎馬卽被燬於祖龍百餘年來權
輿莫繼文獻無徵義士公恐愈久愈失其真因斷
自竹派創修於成化庚寅年間時際宏治邱氏服
田得元文宗天曆元年戊辰休甯胡瑜爲良貴撰
其父竹軒公墓碑誌銘載祖彥超父文興來自新
安出自稔侯夫然後之新安得徽譜金氏之源流

堂軒之來厯遂復其初此嘉靖丙戌德興公修譜所以深惜其曾大父義士公未之見也康熙甲辰承蠲承閭二公續修去嘉慶甲子百四十餘年若鼎若玉若芝森若代珍等諸先達輩和衷成牒堂軒之上冠彥超文興於首者溯始遷也不忘其所自來也彥超以下宗竹派爲一世者法祖修也不擅更祖制也間有闕而不書者疑仍傳疑法夏五郭公之例也迄今讀厯代世系紀吾族不致說夏

言殷悲杞宋之無徵微先哲作述之功不至此詩
 曰孝思不匱永錫爾類其先世修譜之謂與茲當
 族譜將竣備述簡端俾孝子慈孫知譜之為重云
 爾

道光十八年歲次戊戌冬月

谷旦

竹軒公裔

賢試西山氏
鐘西河氏

頓首拜書

老序

竊父天母地以踐形為孝民胞物與以錫類為仁

其於譜深有契合焉夫天地至尊也且援之爲父母則凡吾祖所自出者雖百世之遙而其承傳歷履爲吾所及詳者令其泯沒不傳何以爲孝民物至遠也且引之爲胞與則凡出自吾祖者雖億萬之衆其初不過一人之分而爲吾所及見者聽其渙散無以聯屬爲一體何以爲仁譜之爲圖一經一緯則凡吾祖所自出與出自吾祖者莫不窮源竟委秩然於簡牘之中以序尊卑至順也以別親

疎至明也以報本追遠而敵倫睦族亦至和而至
洽也蘇文公云讀吾譜者而仁孝之心油然而生
豈虛語哉故欲盡仁孝者殆莫甚於譜矣吾族之
譜修之新安者無論已卽在吾潛修之者凡六雖
所遭有幸不幸而仁孝之心則一迄今重修奏不
敏得躋編輯之列幸同事諸人皆聞達之士風雨
連牕共相校證於訛誤闕畧之處有根據者正之
補之無者因之法夏五郭公之例思維繼乎前人

無墮乃事也若云仁孝則吾豈敢

道光十八年歲次戊戌仲冬月冬至日

谷旦

竹堂公十六代裔孫

奏杏蒲氏

頓首拜書

老序

蓋聞家之譜猶國之史史敘當代之事蹟昭法戒於千秋譜載歷代之世系垂統緒於萬世是譜牒一書不誠重矣哉然必敬宗收族始為尊祖原清委晰方能傳信以是知祖宗之由來子孫之支派

端賴乎譜牒而由來之明確支派之不混又在於
勤修粵稽我族譜冊自瑀公以前纂修者代有偉
人由瑀公而後續輯者均是傑士若伯英公闈公
予大父燦公暨萬揆公等相繼纂修俱費苦心奈
所處不一其時伯英公修輯將成兵火失稿惜未
登梓中賴闈公創修予大父遭時不遇奸宄滋擾
中道而止至嘉慶甲子歲鼎公續修始成予讀其
譜牒核其世系本末紀及世次其間不無舛訛今

已更正可不具論除此閱各股各支承傳之祖以
至於遷潛承傳之始祖竹堂竹軒公由堂軒二公
上溯各處遷居承傳之祖極而至於日碑公凡德
行功勳敍贊諸作以及歷代修譜次數編輯名氏
俱照前登註茲不復贅已班七可考矣今值族議
續修舉予編輯予愧謏劣敢荷重任但分所當爲
義不容辭又幸同事諸人皆係達士是以不憚勞
瘁率由舊章編入新系俾世世子孫尊其所尊親

其所親得以信今而傳後耳是爲序

道光十八年歲次戊戌仲冬月

谷旦

竹堂公十七代裔孫

啟裕蘭溪氏

頓首拜書

老序

古聖王胙土分茅賜姓命氏所以重親親而啟一本之誼也其時分官掌籍支分而宗不替後世倣其意而爲之則有家譜不有作者雖美弗彰不有述者雖盛弗傳吾族自少昊金天氏繼黃帝而立

傳顓頊至淳維以桀悖德遜北野西漢元狩間淳
維之後爲休屠王太子日磾與弟倫歸漢武帝嘉
其忠俱拜侍中嘗作金人祭天因賜姓金氏以功
封秣侯受遺詔輔翊少主家世長安盛於京兆傳
東漢珍公遷南陽五世同居詔以義門厯傳唐博
道公避亂新安遷休邑之杉坑宋松青公遷於汪
溪其間文武顯宦偉烈豐功忠孝貞節理學名儒
衣冠人文之盛難更僕數者俱詳源派紀矣至遷

潛始祖竹堂竹軒二公祖彥超父文興世爲新安
人原出漢稔侯宋彥超公教授懷甯移寓灤山慨
值兵燹舊帙殘闕賴元天厯間胡瑜所撰竹軒公
墓碑誌銘鑿乚可憑嘉慶甲子宗墓誌正前譜修
之蓋亦費苦心矣夫閱世生人閱人成世後人繼
前人之志前事爲後事之師是以遵甲子譜式纂
輯成牒淵源昭晰支派分明尊卑行第名號位望
生娶卒葬傳贊遺文或隱顯或遷移遠近親疎無

不詳考備錄於以知一脉相承之世緒不亦傳之
於無盡與禮云親親故尊祖尊祖故敬宗敬宗故
收族俾族諸人士各推親親之詣庶有以合於先
王分茅賜姓設官掌籍之意也夫是爲序
道光十八年歲次戊戌仲冬月令三十翁半穀旦

竹軒公裔

啟芳字樹田漢水氏

頓首拜書

老序

我族之遷居灤陽也以竹堂竹軒公二支爲盛

國朝定鼎以來我族譜牒倡修於康熙甲辰但遭
兵燹之餘文獻無徵不無訛舛自嘉慶甲子年續
修訛誤者更之簡畧者補之原清委晰有條而不
紊堪成爲一家之信史矣第閱今三十餘年其間
死者之窀穸生者之娶聘胥未登諸梨棗則譜牒
之續修誠不容緩族中諸尊復議修輯條例悉以
甲子年譜爲式先父濬公忝列在副總之數不意
去年秋杪先父爲譜事重務抱病到祠費唇舌勞

心力遂爾回家捐館合族諸尊僉命伯踵承父志
伯自念孀乚在疚少不更事辭恐不能勝任勉從
諸先達後共勩是役幸合族同心踴躍率由舊章
譜事茲將告竣矣實賴祖宗之靈亦屬子孫之福
也蓋前輩搜羅纂輯不畏其難而後人踵事增華
適爲其易故適觀厥成可拭目俟之耳伏冀我族
人之讀是譜也法戒昭然毫無隱諱一披圖而依
然食舊德之名氏用高曾之規矩紹先緒裕後昆

期無慚繼志述事之善焉斯我金氏之家聲可以不墜耳而自煥然一新矣伯感合族之不我遐棄而先父亦庶免怨恫於九原也僅敬敘數語以誌巔末於此

道光十八年歲次戊戌仲冬月 谷旦

竹軒公裔孫賢伯拜書

老序

在宋淳熙閔朋說公爲鄱陽令嘗受學於直講程
泰之先生門下一日問先生世系先生嘆曰我譜
殘缺自五世祖石槲府君以上俱莫知其名諱今
不敢妄加一字但闕疑而已後過信州游秘書朱
元晦先生之門請問如前先生亦歎曰吾家譜殘
闕自九世祖茶院府君以下薦失墳墓旣非信而
可徵安可妄憑臆見亦傳舊而已仰維兩先生文

章司命道學指南其於先世家乘尚且闕疑仍舊
 不敢附會以悞後世吾金氏自彥超公由休邑汪
 溪任懷邑教授遂卜宅於是而家焉公係朋旦公
 孫卽鄱令朋說公姪孫也迄今朝歷四代年逾五
 百曆代之名諱墳墓不無泰之元晦兩先生之所
 嘆者甲子歲重修族譜諸尊鼎謬委以總領其
 事鼎以合族急務而兼重務不辭勞瘁然斗陽公
 續修在前歷年未久時際承平石樓公繼修在後

踰年既深又經離亂徵之斗陽公譜不無訛誤因
商諸尊仍照斗陽公修輯信以傳信疑以傳疑亦
惟程朱兩先生之言是則是倣以爲衡石準繩焉
斯稱善繼善述者矣是爲序

嘉慶九年甲子孟冬月

竹堂公裔孫鼎薰沐謹識

老序

粵自混沌初開神聖繼出黃農虞夏之裔遂遍天

下由是因生賜姓胙之士而命之氏而姓氏之說
彰彰矣特支分派別無譜以聯屬之則親疎失紀
將不免興衡陽之慨感彭澤之思故周禮小史定
世系太史公刪之以爲世表旁行斜上遂昉譜系
之門厥後薛綜定五宗圖虞摯作族姓昭穆紀高
士廉作世族志丁維皞作百族譜至歐蘇二公究
心譜學文義例式尤爲至精蓋亦氏族之義明焉
凡以使有家者溯祖宗之源究子孫之統紀德業

之盛各盡愛敬之心而已邇吾金氏之源則近居
吾灑者首推名族人知家聲之振矣而不知由新
安之彥超公任懷邑教授愛舒州山水之盛遂家
於是焉新安奚昉乎則博道公由桐廬而遷之也
蓋原蘇州之崙公主桐廬簿遂世居桐廬溯其始
又建康別駕道震公蘇州別駕簡公爲之先也南
陽義門之珍公則震與簡之所自出而受封得姓
之日碑公又珍之所自出者也金氏之源不亦遠

哉而究其統則南陽之金固統於京兆而道震之
徙建康清之徙平原詎非統於南陽者乎姑蘇之
金固統於建康而林惠之徙吳江崙之徙桐廬鯉
之徙鄱陽虎之徙錫州崑與德化之徙湖州則又
統於姑蘇者也由桐廬至新安其族彌繁其統彌
大若竦之徙梅結松青之徙汪溪固班七可考而
彥超之徙潛陽堂軒之家撥蒿尤厯七可稽他如
成都之金淮安之金鳳陽之金揚州之金錢塘之

金上海之金山陽之金迄紛遷不一者要皆統於新安者也金氏之統不亦大哉至德業之可紀者則白日碑公拜爵以來功銘旂常者封侯極五代之榮名垂竹帛者錫爵沿兩漢之盛其顯赫可紀也獨行著美於黃門三休傳名於京兆其卓犖之志不可紀乎繼世簪纓於兩晉歷代佐理於王家其縉紳之盛可紀也折衷術而心懸日月破黃巢而威挾風雷其報國之忱不可紀乎上書而乞斬

蔡京抗疏而力排秦檜其光明正大之概難忘也
立朝而不附嚴嵩居官而獨善海瑞其嚴毅剛正
之氣難沒也至於若端緒若策若麒若麟若鯨若
鯉若文濟若文郁之顯於唐若非熊若良能若朋
說若聲之榮於宋莫不功被當時名垂後世此皆
昭昭可考金氏德業之可紀者不亦盛乎如是而
譜可以作矣乃自宋元舊牒剝蝕無存明初義士
公從依稀髣髴之餘紀述祖宗之世系雖淵源未

悉而用心良苦矣然幸祖靈不沒竹軒公墓誌搜
獲於斗陽公修譜之日而本源可悉支派不淆此
碑誌克存實錄而譜系得序真傳故石樓公修譜
時遂援筆直書曰昶號竹軒誠爲眼大如炬此外
人往風微折衷安據然咸陽燼後遺經未必無傳
砥柱波餘舊史猶或可購苟能存先代之勝蹟雖
殘碑斷碣祖宗將呵護留之果可考前世之遺模
卽隻字片言子孫重鄭其守之仰碩果與蒙求尙

旁搜而遠紹務使遠有徵者錄之近足述者傳之
闕畧者補之訛舛者正之疑似者參之後來者俟
之原原本本炳々烺烺庶有以溯祖宗之源究子
孫之統紀德業之盛以成一家之譜而不慮姓氏
既定紛然無有紀極汎然無所統屬也是爲序

嘉慶九年甲子中秋日

竹軒公裔孫代書

老譜序

予宗自宋遷濶荷祖宗流慶子姓日益蕃族益大

與簪組閥閱之著文章勲業之顯忠孝節義之傳
不患無徵不信者則賴譜系勤修之力居多考有
明一代自成化庚寅義士公索源流次世系別親
疎序昭穆是爲譜之創始嘉靖丙戌去成化庚寅
五十餘年斗陽公起而以修譜之事獨任其時海
宇承平日久旣庶且富禮讓風行公彷彿歐公體式
徵文考獻起例發凡勒爲成書多爲名家取則焉
及丁明季寇亂凶荒舉創始與續修者銷半燬於

烽煙戎馬 康熙甲辰去嘉靖丙戌百四十餘年

通族未登紙末者視昔更不啻倍而又倍矣我高祖秉性孝友篤念同宗因偕各股諸公遍加採輯更搜得兵火留餘之斷簡殘篇壽諸梨棗以光先德譜式家範悉仿前賢遺意雖其中不無訛悞未能如斗陽公之美善具備緬想其用力可不謂勤焉至於前人之名目譜載未能詳其事實明其世系葬所總因兵燹之爲禍最烈而譜牒曠久之未

續修所由致也。屆今去。康熙甲辰，又百四十餘年。生齒之繁，較前更盛。過此不修，殘缺失次。伊於胡底。今幸族眾奮興，徵稿歛費者，有人。總入司出者，有人。又有文緒、宇照、舜廷諸兄，及雲波共事，硯席和衷，相濟編次，成牒共展尊祖敬宗之心。非諸公玉成之力，不及此後之族裔能鑒是心。每閱數十年，續修而廣傳之，是則史之厚望也。夫嘉慶九年甲子孟冬月，竹堂公裔孫史載頓首書。

老序

吾祖秣侯在漢賜姓受氏以來子姓蕃衍蔓延宇
內或由宦籍或擇鄰處或適樂土或愛山水靈秀
而卜居或因遊學得師而築室種種不一前譜載
明無庸瑣瑣有宋彥超公由新安教授懷邑愛潛
陽山水乃居於茲但譜自新安外一修於光輝公
再修於德興公三修於石樓公及此人經五代事
過百有餘年且新安老譜暨德興公譜係芝高祖

懶菴公攜避明季亂遍歷州郡十有八載百經險阻辛苦萬狀真有鬼神呵護祖宗憑藉之奇僅留百千於什一石樓公得以重修時值國朝定鼎承平未久況吾族遭明季兵燹獨慘死亡者眾播遷亦多雖有存焉者寡矣復故土者寥寥石樓公聞見多有未及譜帙慮有訛舛姑故云闕疑以俟來者耳修後又過百餘年族叔浴東復議修輯奈人繁居散議論參差文清公云惰者不

修忌者惡修可謂之確論也是時出有訟端遂爾
中止合計石樓公修後已百四十餘年矣若仍延
擱則兄父之生娶卒葬莫知祖宗之畫像圖書罔
識派別支分欲考無由行諱事迹思稽靡自他尙
何說哉今者合族共推名著領總相期收宗睦族
以妥先靈族中議出勦事者多人不假他手秉筆
數人_芝亦謬肩是任附勦盛舉蓋家乘無殊國史
務以董狐爲鑒不敢一字妄書雖世遠年湮疑仍

傳疑信則傳信端賴先人在天之靈使後之子若
孫越世一修傳之奕葉瓜瓞綿七流衍千億曷其
有極哉茲當譜牒告竣爰敘數言以列簡端云爾
始祖竹堂公十六代裔孫芝森復崑氏頓首拜撰

老譜序

漢有金張許史之稱晉有王謝崔盧之著而門祚
閥閱氏尚簪纓譜系由來重矣然必世世增修雖
播越流離凋殘散佚之後家可考而國可憑祖有

承而孫有述不至如蘇肩山有喜不慶有憂不弔
而嘆塗人則千秋萬世之功豈僅七吾家公藝與
范希文之義在千畝義在九世而已哉唐高儉云
國步播遷家承蕩析子孫苟無譜錄以憑考按冠
冕皂隸混爲一區潛之土著四而金氏譜系獨存
但所載科名赫奕林壑清操宦業之炳烺徵聘之
高風多屬宋元人物他不具論卽如之川先生之
宰吾桐鄉也去鶴湖衣帶水耳殲悍倭抗權督其

保障撫字之功至今貞珉俎豆不衰後擢禮垣而
首䟽分宜謫夷陵而講學江左一時勁節凌霜孤
標貫日方與海剛峯章楓山論政講學爲性命交
吾鄉如茅鹿門鄭端簡諸先輩所不敢望肩背者
而居官之強幹立朝之丰采吾鄉方借以光郡志
重瞽宗而君家譜系尙虛則其他之闕畧尙可言
哉吾與二難不能無春秋之責也叩其故則自德
興公及今百四十餘年未修中間彼此牽制事故

因循議論多而成功少猶不止資斧艱難兵荒之
廢墜已也苗與二難兩世通家不止吾翁若翁之
詣力勸其排眾議出已見毅然擔當後之子若孫
不有同源分流躊躇行路異井殊鄉垂老相識如
陶淵明黃山谷之感傷則二難之功在祖宗福遺
子孫不較曩昔之編邑乘蒐國史者更親切遠大
乎持試此以告族眾定不以吾言爲妄

鶴湖家年社盟弟張苗文葭父題

老譜序
金子簡在去的讀書樂道不求聞達之高士也不
鄙簿書俗吏而商撫字明教化固大忠之多聞直
諒友廼修其族之譜成與大忠觀焉曰金子知學
哉一家乘而國史具矣世無譜學人亦不知譜學
之重大緣漢初典籍無紀劉氏七畧止收書而不
收圖譜班氏志藝文遞相因襲故天祿蘭臺三館
四庫之藏但聞有書而圖與譜無傳焉王儉當宋

齊之間羣書失次於是作七志一志專收圖譜謂
之圖譜志而譜亦始有專學可謂末流傑作矣惜
乎阮學緒作七錄遂以雜譜歸記注譜於是乎散
而無統不知譜學與圖學等也圖譜之學實與書
籍相表裡也故家乘卽所以爲國史史之或失則
濫或失則誣唯其取之年譜行狀傳誌之不嚴覈
爾觀灑之金氏多賢其爲忠孝節義理學文章茂
績隱德彬彬乎代不乏人唯金子能綜葺其族譜

厥事惟慎厥詞惟質靡溢靡摭傳乃信從洵可備
輜軒之采風邦國矣譜之實史之也鄭漁仲見杜
預公子譜乃知武平一之學詳於春秋世系如魯
三桓鄭七穆無有一誤者正以其悉世系族譜以
明春秋之義蓋元凱之譜公子實以輔三傳而行
媿惡褒刺靡不寓焉譜學之重大豈徒誇平一之
博洽乎金氏族譜成俾其家無遺行國有信書斯
譜之者之功也故曰金子知學哉一家乘而國史

具矣

康熙三年仲春月穀旦

賜進士出身知潛山縣新陞保定府同知通家社

弟常大忠拜撰

老譜序


皖上金子侍其從父仁修先生訓姚江一日潔壺

觴贊羔鴈恭弟子之禮來游吾門

宗周

笑曰是何

舍家雞而好野鷺金子曰登山採玉入海求珠士



固有志也居旬月豁然請曰士大夫學聖賢志忠
孝無日不以講學明理爲事然而下古今之學欲
講而一家之學不講天下國家之理求明而吾身
之理不明可乎則由吾身而遡所自爲吾父由吾
父而溯所自爲吾祖復由吾祖而溯所自則爲吾
曾祖高祖復自曾祖高祖而上遡夫始遷之祖以
及得姓之祖然後由得姓之祖而推及始遷之祖
由始遷之祖而推及高曾祖父復自高曾祖父以

推及一家之各父其父各祖其祖各高曾其所爲
高曾者此理固不可以不明此學固不可以不講
也何以上下尊卑截然有紀何以嫡庶長幼秩然
有序何以遠近親疎聯屬不間何以支分派別條
貫不紊何以大宗小宗左昭右穆之源清委晰而
不亂此其學尤不可以不講其理尤不可以不明
也於是遷派有考世次有條生娶卒葬有書德行
文藝有傳誌皆以班馬之義例行歐蘇之譜系而

立宗法尚行檢大婚喪崇明祀所以正人倫而廣
教化厚風俗而興禮樂者行且自身而家而國而
天下矣安得世之講學明理者人人如金子而人
之講學明理者族族如金氏則人無不孝之子出
無不忠之臣而讀書稽古者無不聖不賢之士大
夫矣

東林學者劉宗周頓首拜撰

老序

灑陽金氏系出漢稔侯日磾至唐諱博道者自睦
之桐廬遷休邑之杉坑至竦遷梅結至松青遷汪
谿遞傳至彥超始教授懷邑由宋厯元而家舒之
灑陽撥蒿坂今其裔孫曰仲鼎與予同列史館朝
夕家譜自隨可以爲難矣予惟休屠王雖出西域
由其天性淳厚故有日磾之賢爲茂陵所簡拔至
於受遺託孤珥貂七葉而賜姓金氏謂其先嘗以
金人祭天而西方金也故以爲氏或曰金天氏之

裔蓋不必致詳而其所積亦不薄矣故日碑流落之餘而復顯盛今仲鼎播遷之後而不忘其先豈非日碑之流風餘韻與其後之盛未可涯也

明洪武二年己酉翰林侍講學士金華宋濂題

汪谿金氏族譜序

朋說聞孔子曰夏禮吾能言之杞不足徵也殷禮吾能言之宋不足徵也蓋以先祖制作之盛美湮沒於後人文獻之凋殘雖有可法可則莫之考也

雖有可愛可傳莫之彰也嗚呼負荷承傳不謹若是則其罪責又將委之誰耶朋說於是因嘆世譜之學不可以不講也伏自蚤年過庭祇訓竊於族譜晨夕誦讀蓋吾金氏始祖博道公桐廬世家子也唐廣明元年以賊巢構亂奉太夫人避地歛之篁墩尋卜宅休邑杉坑基本盛大越四世竦公再遷梅結大衝子孫蕃衍越九世松青公又遷汪溪人文聿興夫自始祖而下各支未得統宗比習佔

畢以圖應舉未遑考訪三復興懷初過會里游直
講程泰之先生之門間嘗質之先生嘆曰吾家譜
亦殘缺自五世祖石槲府君以上莫知其名諱今
不敢妄加一字亦闕其疑而已後過信州游秘書
朱元晦先生之門間嘗質之先生嘆曰吾家譜亦
殘闕自九世祖茶院府君以下薦失其墳墓今不
敢必信其地亦傳其舊而已朋說仰惟二先生文
章司命道學指南然於先世譜乘闕疑傳舊謹書

備錄不敢附會以誤後世嗚呼此非承學所當法
哉朋說荷祖德垂裕護登一第筮仕學校再遊司
幕得宰鄱陽見幾解組不敢辱祖風負師門失士
行歸閔林下修輯族譜其闕疑傳舊惟以二先生
之言爲衡石準繩敬書所聞於首簡俾我族人傳
於世世幸毋忽諸

宋慶元六年春三月

裔孫朋說拜書

汪溪金氏族譜序

昔者聖人別族類義君子繼世因之以譜一家譜
其氏族所自出則本源得其宗莫之惑矣譜其祖
考所自出則流派得其傳莫之淆矣譜其遷徙所
自出則始末得其詳莫之奪矣由是以仁率之而
聯族屬綴親疎譜焉以義行之而尚行檢重名教
譜焉以禮齊之而崇明祀啟嘉會譜焉以智成之
而比經訓寓勸戒譜焉若洙爰自蚤年敬受庭訓
誦習其書思維其義深以祖孫承傳閎閱更厯非

賴於譜曷以載當時而垂後世蓋嘗三復奮然與
懷本家藏先公紀乘參世行歐蘇譜例法漢史班
馬表紀纂次緝類乃成一編夫吾金氏雖系李唐
之季實出炎漢之西雖爲夏后之裔實肇黃帝之
孫其氏族本源之宏遠又若是也夫吾金氏本支
祖則爲宋之松青公始遷祖則爲唐之博道公得
姓祖則爲漢之曰磾公上世祖則爲夏之淳維公
其祖考承傳之真切又若是也夫吾金氏休甯之

遷本於桐廬桐廬之遷本於姑蘇姑蘇之遷本於
建康建康之遷本於南陽南陽之遷本於京兆其
遷徙始末之詳明又若是也則聯族屬綴親疎而
仁不可率乎則尙行檢重名教而義不可行乎則
崇明祀啟嘉會而禮不可齊乎則比經訓寓勸戒
而智不可成乎嗚呼取式於古先而昭告於來許
參同於眾論而斷裁於一心垂法於當時而徵信
於百世此若洙所以不敢避僭妄之嫌而夙夜兢


兢急成是譜以為族人告也

宋景炎丙子孟春月

裔孫若洙拜書

汪溪金氏族譜序

序曰世變頻仍干戈俶擾其士馬所至屠翦州郡
攻拔鄉邑城郭尚蹂躪以為邱墟况斯民之廬舍
能無憂患者乎其聲威所震有司解綬主將倒戈
官守尚遜逃以保首領况斯民之族聚能無離散
者乎其兵燹所及符章銷亡版冊壞爛圖典尚焚



燬以成煨燼况斯民之譜乘能無殘缺者乎譯家
故睦州桐廬人也爰自始祖博道公於唐廣明以
避巢亂播遷休寧卜宅於杉坑四世竦公遷於梅
結大衝九世松青公遷於汪谿閱歷將五百餘年
嗣承已二十餘世蕃衍多數百餘人其居地雖有
興廢若廬舍不因兵變而有紛更其羣從雖有出
遷若族聚不因兵變而有乖隔其文獻雖有凋敝
若譜乘不因兵變而有散亡然天下之事慶幸不

可以常得禍患尤當以豫防夫先人之所傳於吾人者固得以無恙矣則吾人之所以授後人者安知又能無恙如今日乎於是慨然興懷圖事繼述竊觀吾金氏譜唐宋以來有處士道昭公修之有鄱陽知縣朋說公修之有黔江知縣若洙公修之有廣東副使玉相公修之則吾金氏千年之家聲賴以不墜百世之族屬賴以不遺譯乃率從弟鼎從姪大三復繙閱考其始末之迹正其因襲之非

辨其承傳之故錄其新續之詳謹識其流派之合
修成後編以附前紀集我族人告曰莫爲於前雖
美弗彰莫爲於後雖盛弗傳吾人庶幾諉其責矣
又告曰天下雖有常變人心實無古今後人曷以
道其憂哉

明洪武三年庚戌春王正月穀旦裔孫譚拜書

汪溪金氏老譜序

三代以前姓氏分而爲二男子稱氏女子稱姓氏

所以明貴賤姓所以別婚姻逮後姓氏錯亂非古也夫姓之與氏亦昭然易見者耳猶混淆而無辨况於遷徙之無常承傳之盛衰又焉能盡知其所自出哉此無他譜圖之局不設中正之簿不存亦已久矣雖有智者出於其後將何徵之耶嗚呼譜牒重事也三世不修古者以爲不肖奈何世之人多忽之而不講也新安趙君子常與予同在史館間以門壻金定遠來謁出其重修世譜請予爲序

定遠家世子常已序之悉予復何言乃書此於子
常序後以答定遠定遠殆知本之士也哉後人尙
思謹而續之可也

明永樂七年己丑春上浣翰林學士廬林解縉題
汪溪金氏族譜序

玆嘆古之君子論世族則曰太上有立德其次有
立功其次有立言後之君子論世族則曰遙其族
胄高其閥閱侈其文獻嗚呼此後之所以不及古

與夫立德則德可久立功則功可大立言則言可
傳是蓋謂之三不朽也夫遙族胄或思以媒進高
閥閱或思以賣婚侈文獻或思以眩世是蓋謂之
三不如也嗚呼此後之所以不及古與玆竊考吾
金氏爰自始祖博道公由桐廬遷休甯卜宅杉坑
樂善行義垂澤後昆四世竦公再遷梅結大冲九
世松青公又遷汪溪子孫雲來奕葉相傳食其德
利歷今已五百餘載然立德以潤身立功以報國

立言以垂教先代諸公志古之三不朽者其聲稱
固已炳煥於當時矣雖有族胄惟恐不能亢宗雖
有闕閱惟恐不能繩武雖有文獻惟恐不能承家
先代諸公恥後之三不如者其趨向亦已超邁於
當時矣玆幸生金氏深愧樹立之弱上無以負荷
於先公聲稱之徽下無以啟佑於來許蚤承庭訓
命纂續族祖定遠公及先祖宏道公譜乘成編亦
惟謹實錄以無隕先世之義問而已其尙敢溢美

以遠惑後世之傳聞哉夫其爲金氏之子孫當思
守金氏之訓典則三不朽者歷世相傳之所志也
三不如者歷世相傳之所耻也玆願吾金氏子孫
志其所志而耻其所耻光前裕後則金氏亦無疆
惟賴矣世世勿替引之

明永樂廿一年癸卯八月晦日裔孫德玆拜書

汪溪金氏重修族譜序

休陽金氏儼字思安號春陽子以詩易來遊尙志

軒中敍話之餘出示族譜一帙予厯觀金氏出自
少昊金天氏之後至休屠王子日磾歸漢因而賜
姓金氏子孫蕃衍散處四方而休陽金氏益振始
自前人之積宜其賢哲挺生功名赫奕儒道光華
垂裕無窮則世次鱗比尊卑彪列履厯纖悉一覽
俱見而水木本源之義瞭然在目後之人興起孝
弟之心而弗容自己者則金君斯譜大有補於名
教也

明成化五年己丑仲冬月

湖廣布政使司右參議前監察御史古欵方勉書

汪溪金氏重修族譜序

成化庚寅欵承 天命巡按廣東因便省親於家
翌日義齋方先生來謁囊書開示謂余曰此書休
邑汪溪金氏之族譜也有曰春陽子者爲金氏之
彥嘗觀編錄積歲乃成參議方公已序之矣今書
攜至舍爲藏之久而春陽子與余深契敢干公名

筆序焉不特遂余之心而金氏被公之聲光益有
美也且公家鳴鳳先生亦嘗爲東園皓叟四詠吟
篇此翁又春陽子族祖也余思先世與金氏已有
通家之好金氏且休甯著族己丑進士謝恭先生
又金氏宅相予雖不聞其詳已知金氏之源遠而
且大他族安可儼其倫也且夫名家巨族不可以
無譜七之作可以厚人倫美教化移風俗紀源流
本末明尊卑行第記生娶歿葬或隱顯或遷移悉

皆可考若無譜從何所據哉是譜不得不修也作
之於古今有依據修之於今後有所考如蘇明允
有喜不慶有憂不弔及塗人之嘆無足怪者若金
氏世有聞人而譜書歷世名卿大儒相繼編續詳
審精密纖芥無遺甚有可觀而春陽子家世業儒
又加重修世次載於圖事實存乎傳數百年一覽
悉見且貫之以文辭補之以闕畧擴前人之未及
誠甲族之譜也宜爲法於當時傳於後世春陽子

雖不求聞而名自顯矣豈不美夫茲因方先生之
請僭書於譜之末云

明成化六年庚寅仲春月望日

文林郎監察御史前進士祁門和溪程宏序

汪溪金氏族譜序

嘗謂雙林之木蔽芾參天固必有本以啟其化三
峽之水澎湃入海固必有源以神其機千年之族
蕃昌延世固必有祖以衍其慶予自入庠序領鄉



薦登上第嘗與徽郡諸君子相接詢其家世多由
唐宋綿曆於今其祖德承傳之永與木之根本之
大水之源流之遠蓋有相符而無相悖者矣頃自
晉臬請老歸鄉休甯金君芝芳來遊雲間旅居吾
里好讀書言動有度嘗遇余以經史疑義請質予
甚嘉之因與契好彌篤一日攜其家譜相示乃知
其族系始望於京兆再遷於桐廬息駕於篁墩卜
宅於杉坑自唐以至宋迄於國朝將七百年矣

自杉坑以至梅結大衝及於汪溪將三十世矣其
詩書禮樂之澤衣冠章服之傳道義名節之立上
足以承於祖考下足以啟於雲來則吾所謂千年
之族不於汪溪金氏其有徵耶當與雙林之本三
峽之水同延於宇宙無窮也乃撰次成序敬爲芝
芳君大書之

明成化二十一年乙巳季冬月朔旦

賜進士出身中憲大夫山西等處提刑按察司副

使前監察御史朱瑄書

汪溪金氏族譜序

夫譜法祖史法也史稱黃帝子孫莫不生而賜姓
胙土命氏故舜之後爲媯禹之後爲姁湯之後爲
子文武之後爲姬源同派別豈非後世姓氏所由
基乎夫國與家一道國必有史家必有譜此譜法
所以祖史法也國史以統系著於表家譜以世行
冠於篇史則別邪正明禫繼抑僭竊而爲傳國之



大統譜則詳遷派紀生歿慎嗣續而爲傳家之大
綱家譜成則族序立族序立則人倫正人倫正則
世澤綿世澤綿則祖祀修祖祀修則宗法立宗法
立則其制雖不如古之封建豈非今之一世家哉
曾子曰身者親之枝也夫有親則有祖有祖則有
宗自一而生千萬敢不譜歟我汪溪金氏宗譜其
得姓祖爲漢之日磾公其始遷祖實唐之博道公
自是休甯之金姓爲益著矣然厯世三十厯年七

百所傳者唐宋之門第所讀者唐宋之詩書所承
者唐宋之衣冠非他氏之可覬也其譜自宋迄今
凡九修矣肇於六世祖承託公及孫道昭公類萃
成編既而進士朋說公序次修錄迨黔江令若洙
公請序於勿齋先生副史玉相公請序於定宇先
生聘君譯公大公請序於東山先生至耆儒珙公
紹宗公衍公思明公儼然公俱請序於名公高士
雖皆相繼續輯咸未鋟梓布行於今將及百年日

離日遠不相視如秦越人者幾希弁幼切是志誦
習有年薦承諸老委任及我祖父嚴命甚欲大會
以統吾宗又謂枝派益繁遷徙益眾不克旁搜博
訪當以本支汪溪暨梅結下村中村三派通會竊
效先達世譜定例立議續輯成篇餘俱遷派並遵
舊譜錄其所得世系列圖附後以備稽考而告成
於家廟爰請題曰汪溪金氏族譜第弁疎陋不能
垂典則以光前人乃介文學崙東李先生延六水

陳先生於汪溪書院參互考訂以成一家之乘鳴
呼凡我族人奉斯譜也當知敬其所尊愛其所親
矣勸其爲善懲其爲惡矣則譜法史法豈不同條
而共貫哉若夫統宗會元不無冀於後之傑出者
明嘉靖二十八年己酉春王正月裔孫弁拜書

舊序

蓋聞尊祖故敬宗敬宗故收族自天子以至士庶
分雖殊而理則一也我金氏自西漢稭侯日磾公
暨弟黃門侍中倫公以忠孝著名爲京兆望厥後
日磾公二世賞公四世當公襲封稭侯倫公二世
安上公以建章衛尉封都城侯三世常公四世欽
公遵公五世湯公皆以侍中襲侯封遞傳尙公禕
公杵公忠勇有節概數傳至彥博公有義門之稱

又數傳至戶部侍郎安節公遷休甯實爲新安始祖也
祖也歷數傳支分子勝公遷安慶傳徵仕郎彬字
公郡庠生玉相公至我盛隆公以灑俗啟厚遷天
堂之大陂堰妣蔣孺人與公歿葬大陂堰團凸山
犬形故我支聚族於斯者皆奉公爲不祧之祖焉
生子二長仲宣次仲琳宣公子三日允德曰允環
曰允緒數傳失考琳公子二曰允行曰允鍾行公
早世鍾公潛陽名宿宋末補士弟子員自宋而元

而明各支分遷失紀者指不勝屈我支單傳數世
至仁應公遂開明道明通兩公之統緒由宋而來
七百年於茲矣其間興亡治亂世事滄桑者何可
勝道而我族幸於一綫之留遺得以保世滋大未
始非先人忠厚開基遺澤孔長也自唐迄宋曆修
族譜明萬厯丁丑我應公悉心編輯自成一支
國朝乾隆壬子歲萬鐘萬鎰諸公於灰燼之餘搜
羅採訪悉遵應公舊式而編次之其於敬收之道

殆無遺憾歟道光年間諸先君屢議未逮至咸豐
歲迭經兵燹未克舉行每一念及汗未嘗不發背
沾衣也今年春各房會祭畢慨然有重修議因尅
日彙稿斂費付之梨棗五閱月而告竣竊嘆上溯
本源尊祖之義著下聯支派收族之道彰質之我
先人在天之靈亦或可告無罪云爾雖然根深者
葉茂源遠者流長後之子若孫倘克自樹立高大
門閭則詩書之澤簪紱之榮又豈僅敬收一節足

爲宗乘光也哉

昔維

同治十三年甲戌仲秋月

盛隆公裔孫公撰

穀旦



舊序

族譜之修始於唐而盛於宋自廬陵歐陽氏眉山
蘇氏著二家譜法士大夫宗之而敦睦之風用昭
明於天下我潛陽大陂堰金氏來自有宋人咸以
土著稱書居距里許以戚誼而兼契好每於歲時
伏臘春祈秋報與諸姻先生相往還談詩禮話桑
麻雍雍然有太古風咸豐癸丑歲粵匪竄皖踞金
陵蔓延各省越丁巳戊午疊竄我天堂山明年春

杪書奉前陞憲 葉諭總十二保團練事與金府

復陽姻翁華慶雲龍諸姻兄同心共事備歷艱辛
既而議起兆營駐紮白雲山金府子英子相應龍
正太諸姻台入營襄事若槎水若逆水若黃婆坳
若水吼嶺若銀硃河等處先後數十戰無不身先
士卒斬將搴旗其忠憤之氣有迴出尋常萬萬者
明年灑事定諸姻台旋隨各大憲竭力報効屢膺
鸚薦叠見鶯遷將來之顯榮其足爲宗族光寵者

蓋未可量也同治辛未歲書任潁州府蒙城縣學
越癸酉自蒙改組歸明年適金府重修華乘囑序
於書因閱稿得悉金之受姓始於西漢秬侯日磾
公黃門侍中倫公以忠孝著名發源京兆厥後侍
郎安節公喬遷新安之休甯累朝名儒碩彥巍科
顯宦赫上昭人耳目者難以更僕數而其發祥於
吾濬者則自盛隆公也譜帙之修代有明文明季
蹇遭兵亂舊譜大半燬殘老成亦多凋謝至

國朝乾隆壬子歲儒林待琢象川諸先達拾殘補
缺自成一牒茲者諸姻翁復踵而修輯之見其本
源以清世次以辨昭穆以序尊卑以明是譜也匪
惟敦睦攸關抑亦名教所係也豈特歐陽眉山二
氏獨能專美於前也哉

同治十三年歲輪甲戌仲秋月

穀旦

五品銜前任蒙城縣教諭姻晚

東軒氏儲寶書頓首拜撰

老序

古者國有史而家有譜史以載事實而昭法戒譜以聯宗族而全敵睦譜不與史並重哉我族自休屠王太子名曰禪與其弟倫歸漢以功封秬侯倫爲黃門侍中武帝以休屠會鑄金人祀天賜姓金氏禪公子二曰賞曰建賞公奉車都尉襲侯封建公駙馬都尉傳孫當公襲侯封倫公子安上少爲侍中後封都城侯子四曰常曰敞曰岑曰明常公

以光祿大夫襲封都城侯敞公爲騎都尉光祿大
夫中郎將侍中正直敢犯顏左右憚之岑公明公
皆諸曹中郎將常公以明公子欽續封侯初舉明
經繼遷大中給事中後爲大司徒司直欽公弟遵
公亦封侯從弟遷公爲尙書令敞公子三長涉仲
參季饒涉公拜侍中遷車都尉至長信少府明經
儉節諸儒稱之參公爲關內都尉安定東海太守
饒公爲越騎校尉涉公子二曰湯曰融湯公以右

曹襲侯封融公爲侍中諸曹將大夫數傳至尙公
字元休弟文休與韋休甫同節齊名號京兆三休
至禕公自以世爲漢臣與耿紀韋晃討魏王操綱
目以全節予之至杵公驍勇尙氣俠以功遷太平
大夫遞傳彥博公散孝友人稱義門金氏又數傳
至安節公遷休甯博洽經史日記千言官戶部侍
郎常排秦檜拒會覲志堅金石孤立無黨援註有
文集表疏及周易解行世曆數傳支分子勝公遷

安慶之治塘傳彬字公任徵仕郎玉相公郡庠生
至盛隆公淹通經史嘯傲林泉遷居天堂之大陂
堰實爲遷濬之始祖也我族譜牒自唐歷宋凡三
次纂修逮國朝因各支播遷散處舊譜彫殘礙難
劃一爰與族人約合我遷濬一支爲一帙且遵士
庶不得遠宗之例而自遷濬之盛隆公起派列圖
不尙文飾不事誇張不附會荒渺之世系不攀援
疎遠之支流疑者闕之信者傳之訛者正之簡者

增之家之譜洵與國之史並傳不朽矣後之人有
懷敦睦由分遷而溯始遷由始遷而溯未遷沿流
溯源合爲一牒則今日之金卽當年新安之金也
今日之金卽當年京兆之金也則亦予之所厚望
也夫

明萬歷五年歲丁丑

十三代孫仁應拜書

老序

昔孔子稱周公之達孝凡以善繼人之志善述人之事而已我族自稔侯日磾公侍中倫公受姓發源爲京兆始祖厥後若賞公若安上公若常公若當公若欽公若遵公若湯公世以內侍襲侯封遞傳尙公禕公杵公皆世居京兆以忠孝著名而其發祥於新安之休寧者則自宋之侍郎安節公始繼而分遷江南諸郡以及閩浙川湖等省散處不

一焉總不外肇跡於新安者近是我支子勝公由
休甯遷安慶之治塘傳徵仕郎彬宇公郡庠生王
相公至盛隆公遷潛之天堂山故舊譜大書特書
必自宋之盛隆公始由唐曆宋凡三修族譜至有
明我仁應公以遷居寫隔舊譜遺亡合我遷潛一
支爲一帙前人爲繼述計者尙矣明季舊譜復淪
沒於戎馬烽火間白
國朝定鼎以來幸風鶴之無驚慶雲龍之有象因

思譜法之不可不亟講也爰商之族眾摹倣什襲
藏本叅稽厯代碑誌徵文考獻列傳分圖且遵士
庶不得遠宗之例而自遷潛之盛隆公起派列圖
是譜之修非敢謂有歐蘇之體裁也亦非敢謂有
董狐之直筆也而於繼述之道或不無小補云
大清乾隆五十七年歲壬子仲夏月

穀旦

十七代孫萬鐘萬鎰謹書

老序

我大陂堰金氏與世共里居歷數傳矣一居河之
北一居河之南門宇相望雞犬相聞出入相親姻
婭相締迴非尋常鄉鄰可比數世自總角時嘗聆
父伯有言金氏之發祥於茲土也遞傳有神焉陰
爲之相故歷元明及

國朝歷稱殷實以奠厥攸居從前長老輩多慷慨
豪俠不屑爲人所羈勒此皆幼時得於耳熟者耳

少長則見其老者渾七乎有敬厚風壯者噩七乎
有樸素風少者抑七乎有謙退風賢能者儼然樹
鄉里望明哲者卓然立宗族坊嗚呼尙何歉爲土
著舊族也哉近若復陽拯文表兄華慶雲龍諸表
姪皆真誠篤實爲一姓冠世時與之道殷勤通款
洽最稱莫逆交歲甲戌春復陽兄等慨然情殷敦
睦特新華乘世謁其館閱其舊牒考其圖系知錫
姓肇於西漢秬侯日磾公侍中倫公嗣是越晉逮

唐逮宋代多登仕版居顯宦赫上華胄想見其祖
有德而宗有功也自宋末分遷我潛北之天堂聚
廬於斯者殆枝葉之餘芬聞之莫爲之前雖美弗
彰莫爲之後雖盛弗傳而金氏至今椒馨瓜衍繼
繼繩繩不亦源遠流長矣乎爰覽其世次則井然
有條也昭穆則秩然有序也紀載則昭然不爽也
欵式則釐然不淆也無粉飾無鋪張無荒謬無假
借禮曰上治祖禰下治子孫旁治昆弟其有合焉

是誠尊祖敬宗收族之盛舉也世以里居戚好不
辭鄙陋欣然樂述數言付之剞劂聊表其故睦之
雅云爾

同治十三年歲次甲戌仲秋月


穀旦

軍功五品邑文庠愚表弟希廷氏

儲世珍頓首拜撰

老序

蓋自周禮掌氏族之典廢而各姓淵源所自出散
佚難紀自是族譜尙矣金氏自漢唐以來門矜閥
閱氏著簪纓以及名儒理學代不乏人第其間分
徙播遷碁布星羅散處徧海內溯源者不無尋流
浩漑之嘆數典者每有掛一漏萬之嗟而其支分
派別家聲得以不墜者皆惟譜乎是賴西漢發源
京兆曆晉隋唐宋代修宗譜宋季 盛隆公遷瀋



之天堂明萬厯丁丑歲仁應公復纂修之迄今百
餘年矣士食舊德農服先疇蓋彬彬然有禮讓風
也茲儒林待琢象川諸君子有志續修徵序於靜
黍屬契誼因不揣固陋約畧而爲之傳


乾隆五十七年壬子仲夏月

穀旦

亦園晚鍾靜拜譔

舊序

譜之爲言普也所以普周乎宗族也譜之爲言布也所以布列乎事實也我族自唐宋以來歷修宗乘我子勝公支分安慶至盛隆公遷潛之天堂歷宋元明分遷失紀者不堪枚舉僅我支單傳數世至仁應公纂修家乘而後宗族始復踵輯之其所國朝乾隆壬子歲萬鐘萬鑑諸公復踵輯之其所以周乎宗族列乎事實者蓋詳且悉也逮我先君



輩常以未經續修爲憾每爲談及輒歎歎者久之
至道光年間疊議未果咸豐年間粵匪竄擾議亦
中輟因思自乾隆而後迄今八十餘年矣叨承祖
庇瓜之綿椒之衍幸無隕越以貽先人羞若再遲
之又久不修譜帙竊恐先祖之塋墓歷年之生卒
以及各房支流派別愈遠愈渙愈渙愈忘幾何不
至有蓬蒿莫辨同祖路人之嘆哉任不敏謬承族
舉與諸姪台領袖其事且喜華慶雲龍二賢姪暨

月蟾朗潤侄孫等仗義捐湊適觀厥成是譜也雖
無史氏三長亦何不可以周宗族而列事實乎噫
後之視今亦如今之視昔今特約畧敘之以弁其
端俾後之繼起者亦將有感於斯文

同治十三年歲次甲戌仲秋月

穀旦

十九代孫啟任拜書

舊序

竊聞莫爲之前雖美弗彰莫爲之後雖盛弗傳我
族譜帙之修自唐宋以迄有明代有偉人固無美
弗彰矣豈我後人莫知所傳乎傑自蚤歲束髮受
讀維時長兄賢舉年已逾冠本生父泰公每於趨
庭之暇必呼而詔之曰我族譜牒自乾隆壬子萬
鐘萬鑑諸公慨然有敵睦志於灰燼之餘纂輯成
書迄今歷有年所矣余老耄無能爲爾曹其善成

之無何先君見背兵亂頻仍未暇及此然而先君
之命未嘗一日去諸懷也本年春諸君子以族譜
之修歷年久遠若再遲延未免缺然爰爲合議重
加纂輯傑謬膺公舉列名領袖長兄年邁已屆龍
鍾因率姪良本尾諸君後共勦厥事且以費項維
艱與各房諸君輩勉力樂捐若干數亦聊以謝先
君之命而爲睦敵之一助云爾至於侯封之發源
侍郎公之肇迹與夫曆代之簪纓科第載之舊譜

淵源老序者綦詳且悉膾炙人口又何必張皇臚
列始足徵先後媲美哉

同治十三年歲次甲戌仲秋月

穀旦

二十代孫賢傑率侄良本拜書

舊序

昔程伊川先生有云管攝天下人心收宗族厚風
俗莫善於譜譜之係於人也豈淺鮮哉我族自戶
部侍郎安節公遷休甯遞傳子勝公遷安慶歷四
世公盛隆遷潛之天堂自明季迄

國初兩修族譜厥後紛七聚議未協續復阻於兵
亂蓋未之逮也而有志焉方今

聖天子勵治中興人心向化凡海澨山陬莫不翕

然以收宗族厚風俗爲事豈吾儕飲和食德而竟
置若罔聞乎爰約族人復議重修宗譜仕愧學淺
碌上無所短長未敢當茲鉅任因辭不護已敬承
諸君命殫精竭慮悉心校錄雖有夏五郭公之闕
幸無魯魚亥豕之訛且喜諸君子一德一心和衷
共濟以費項不敷仕與各房諸台勉爲捐助以葺
厥事昔蘇老泉序蘇氏譜云觀吾之譜而孝弟之
心可以油然而生矣是譜之修原未敢當孝弟之名

要未始非收宗族厚風俗之一道也

時維

同治十三年歲次甲戌仲秋月

谷旦

二十代孫賢仕拜書



舊序

自古大丈夫得志於時姓字垂於竹帛勲業勒乎
旂常而於敦本睦族之道則不能無憾者所在多
有源於是竊因之有感矣憶自先父遷居霍邑距
梓里百里許每歲源隨先君歸來與諸伯叔祖話
及明季寇亂居民流離死亡指不勝屈卽我族宗
緒得以不墜者亦幾希耳逮

國朝定鼎我萬鐘萬鎰諸公於文獻不足之時毅

然以譜事爲己任搜羅散佚纂輯成書甚盛舉也
我後人其知所纘承之無何先君與諸伯叔祖先
後謝世轉瞬間又數十年矣回首當年言猶在耳
事豈忘心况疊遭兵火舊譜凋殘而合族墳墓生
卒聘娶較前不啻什一而千百焉譜牒之修烏容
已乎歲甲戌春三月源以掃墓歸梓得與續修族
譜之議并辱承族命與諸君子共肩厥事第值凋
敝之餘經費支絀心竊憂之源因與各房諸尊畧

爲捐湊俾得有成且喜歷代之祖宗旣無數典之
遺忘不可謂非敵本也各房之支流復無路人之
太息不可謂非睦族也又何必名垂竹帛功勒旂
常始足稱爲無憾哉

同治十三年歲次甲戌仲秋月

谷旦

二十一代孫良源拜書

舊序

間嘗考彭城金氏自西漢錫爵受姓歷世簪纓較
張與許史爲尤著金氏之發祥由來遠矣遞傳盛
隆公遷潛之天堂其居址與道山股明照明旭等
均屬接壤以契誼而聯姻好道暨照等榮二公妣
金孺人尊府祖姑也厥後忠習曾祖母係金世材
公之淑女乾元係明照之宅相子相爲明旭之愛
壻炤貴爲忠定之乘龍累世姻婭情誼最深道嘗

以族務來山得晤諸姻台談時事話羲皇殷勤款
洽爲莫逆交茲者慨然興本源之思重新華乘昔
邾子在魯善言其祖孔子賢之籍談朝周不識其
先君子耻之今金府諸台殆可謂有邾子之賢而
無籍談之失歟道於披覽之餘心竊重之因不辭
謏陋聊誌數言以弁其端

同治十三年歲次甲戌仲秋月

谷旦

邑文庠眷姻弟陳道頓首拜撰

舊序

嘗攷先王別姓氏立宗法而譜尙焉第自掌氏族
之典廢一變而宗法壞矣一變而姓氏紊矣逮至
炎宋歐蘇二公承敝極之餘創制世例而譜法復
昭著於寰區彭城金氏京兆望族也其受姓始於
稔侯日磾公歷朝顯宦名孺文人學士纍七若若
炳炳麟麟難以悉數遞盛隆公遷我潛之天堂農
也噩噩士也彬彬數百年瓜瓞綿延未始不想見

其祖德厚而遺澤長也唐宋以來歷修宗譜姑不
具論至

國朝乾隆壬子年復爲纂輯今復陽拯文諸翁暨
華慶雲龍月蟾諸兄倡議重輯廢者修之謬者正
之繁者刪之簡者增之條分縷晰有要有倫俾後
世得以知其所自明其所分堂哉皇哉其關係豈
淺鮮哉炤居距咫尺以戚鄰而聯父祖之交茲蒙
不棄忝列西賓雖老拙才疎適見貴乘重新不禁


欣然樂觀其成焉因援筆而爲之序

同治十三年歲次甲戌仲秋月

例貢生姻弟劉日炤頓首拜撰

舊序

人之有祖猶水之有源木之有本也彭城金氏發
於西漢秬侯日禪公暨侍中倫公爲京兆望族逮
晉隋唐宋擢高科膺顯宦難更僕數遞傳盛隆公
遷我潛北天堂其特識高風推一時明宿至明仁



應公爲鄉邦碩彥至

國朝萬鐘萬鎰諸公皆卓_有有可表見者其爲水
之源不亦遠乎其爲木之本不亦深乎

琳股一支

累世姻婭契誼彌深歲時伏臘往來酬酢者趾錯
於門今年春復揚表叔華慶雲龍表兄等念厯本
源倡修宗牒琳因晉謁其館不揆謏陋謹拜手而
爲之序


同治十三年歲次甲戌仲秋月

穀旦

國學生姻晚儲枝琳拜撰

舊序

昔陶靖節有同祖路人之嘆杜工部有防猜從孫之疑蓋以譜牒不修其流弊遂伊於胡底矣譜之所關重矣哉彭城金氏由京兆遷新安由新安遷安慶歷朝忠孝節義難以悉數至盛隆公遷天堂大陂堰披荊棘闢土地而基業以奠歷宋元明遞我國朝數百年於茲矣生於斯長於斯聚族



於斯繼繼繩繩代多偉人德誼屬戚隣素叨契厚
近如拯文姻兄與德房兄茂槐叠結朱陳其情誼
尤非尋常可比擬茲者念厯敦睦華乘重新路人
之嘆防猜之疑可無庸爲金府慮焉矣德因詣其
館觀其成而樂爲之道云

同治十三年歲次甲戌仲秋月

穀旦

邑文庠姻愚弟王寶德頓首拜撰

舊序

彭城金氏吾潛巨族也漢武帝時以日磾有功賜
姓金氏倫爲黃門侍中著名忠孝世襲侯封金氏
之由來遠矣自漢逮晉遞唐代有傳人至宋盛隆
公始遷潛懋元明以及

國朝支分派衍奕葉繁昌雖其先世詒謨之善益
可見後人孝思之所由致也客歲秋表叔拯文復
揚表兄華慶雲龍以及表侄月蟾寶樹輩倡修譜

牒因駿屬累世戚誼慨然以老譜示駿捧讀之下

得悉其世系自漢而下由徽遷皖由皖遷灊原原本本朗若日星竊歎金氏之遺澤甚長固宜其克昌厥後也茲當貴乘告竣謹掇數言以誌其盛舉云

同治十三年歲次甲戌仲秋月

穀旦

邑文庠姻晚儲駿拜撰

紀源考畧

按漢武帝元狩二年休屠王太子名日磾字翁叔

與母闕氏

音焉支

暨弟倫歸漢輸黃門養馬日磾長


八尺二寸容貌甚嚴馬又肥大上奇焉卽日賜湯

沐衣冠拜馬監遷侍中駙馬都尉光祿大夫甚信

愛之貴戚多竊怨上愈厚焉以休屠作金人爲祭

天主故賜日磾姓金氏其母教誨兩子甚有法度

帝聞而嘉之及病終詔圖畫於甘泉宮署曰休屠



王闕氏日磾見畫常拜鄉之涕泣然後乃去其孝
如此侍中僕射馬何羅初與江充善及衛太子起
兵何羅弟通以力戰封侯後上夷滅充宗族黨羽
何羅弟兄懼及遂陰爲謀逆日磾窺其志有非常
陰察其動靜與俱上下故久不得發武帝後元元
年六月上幸林光宮旦未起何羅袖白刃從東廂
上見日磾色變走趨卧內觸寶瑟僵日磾得抱何
羅投殿下禽縛之窮治皆伏誅其忠如此日磾自

在帝左右目不忤視者數十年賜出宮女不敢近
帝納其女後宮不肯其長子爲帝弄兒遞後狀大
自殿下與宮入戲日磾適見遂殺之上怒日磾具
言所以上爲之泣而心敬日磾其篤慎又如此及
帝病屬霍光輔少主光讓日磾日磾曰臣外國人
不如光由是遂爲光副迨昭帝卽位日磾與光共
領尙書事初武帝以日磾捕反者馬何羅功遺詔
封秭侯日磾以帝年少不受封及病困霍光白封

之卧受印綬一日薨故漢昭帝始元元年九月綱
目大書車騎將軍秬侯金日磾卒所以予之也謚
曰敬賜葬具塚地送以輕車介士軍陳至茂陵傳
兩子長賞次建俱侍中與昭帝同卧起賞奉車都
尉建駙馬都尉及賞嗣侯佩兩綬帝謂光曰金氏
兄弟兩人不可使俱兩綬耶對曰賞自嗣父爲侯
耳帝笑謂光曰侯不在我與將軍乎對曰先帝之
約有功乃得封侯遂止宣帝卽位賞爲太僕元帝

時爲祿光勲薨無子平帝元始元年繼絕世封建
孫當爲稔侯奉日磾後弟倫字少卿爲黃門侍中
子安上惇篤有智以發舉楚王延壽反迄不納霍
氏親屬入禁闈功封都城侯至建章衛尉薨賜冢
塋杜陵謚曰敬侯子四常敞岑明常以光祿大夫
襲都城侯卒謚曰夷無子平帝時以明子欽續封
敞於元帝爲太子時爲中庶子有寵及帝即位爲
騎都尉光祿大夫中郎將侍中元帝崩太后以敞

世名忠孝詔留侍成帝爲奉車水衡都尉至衛尉
爲人正直敢犯顏色左右憚之雖帝亦難焉岑與
明皆爲諸曹中郎將兄敞病甚帝使七者問所欲
以弟岑爲託帝詔岑拜爲郎使主客常嗣子欽初
舉明經爲太子門大夫哀帝卽位爲大中大夫給
事中其從父弟遷爲尙書令兄弟用事以護作傳
太后喪事職辦擢爲太山宏農太守著威名平帝
卽位徵爲大司徒司直京兆尹帝年幼選置師友

大司徒孔光以明經高行爲孔氏師京兆尹金欽
以家世忠孝爲金氏友徙光祿大夫侍中秩中二
千石封都城侯敞子三涉參饒涉爲左曹明經儉
節諸儒稱之父敞病甚拜爲郎中使待幸錄車載
送衛尉舍欲敞見其榮寵也須臾敞卒成帝時涉
爲侍中騎都尉領三輔胡越騎哀帝卽位爲奉車
都尉至長信少府叅使匈奴拜匈奴中郎將越騎
校尉關內都尉安定東海太守饒爲越騎校尉涉

子二湯融湯爲右曹襲封都城侯受封日不敢還
歸家以明爲人後之誼益封之後欽弟遵亦封侯
歷九卿位班固有曰金日磾夷狄亡國羈虜漢廷
而以篤敬悟主忠信自著勒功上將傳國後嗣世
名忠孝七世內侍何其盛也又曰功臣之後惟有
金氏張氏親近貴寵比於外戚間嘗披覽杜氏及
史記年表彙列春秋列國大夫世次漢元功十八
與耿竇金張衛霍等世次竊漢金氏之發祥有

民來也茲特摘錄編次以備異民參攷云

